



梅村集卷第九

五言律詩二

高郵道中

野宿菰蒲晚，荒陂積雨痕。
湖長城入岸，塔動樹浮村。
漁出沙成路，僧歸月在門。
牽船上瓜埭，吹火映籬根。

其二

十里藕塘西，浮圖插碧虛。
霜清見江楚，山斷入淮徐。
水驛難逢樹，溪橋易換魚。
客程愁幾日，已覺久

無書

其三

曾設經年戍，殘民早不堪。
柳營當午道，水柵算丁男。
雪滿防旗暗，風傳戰鼓酣。
淮張空幕府，樓艦隔江南。

其四

覽社重來到，人家出遠林。
種荷泥補屋，放鴨柳成陰。
蝦菜春江酒，烟簑暮雨砧。
曹生留画水，三十六陂深。

高郵有曹生画水壁米元章極稱之其地有三十六陂



清江關

岸束穿流怒帆遲幾日程石高三板浸鼓急萬夫
爭善事監河吏愁逢橫海兵時有事兩粵兵過海上我非名
利客歲晚肅宵征

得廬山願雲師書

絕頂誅茅處蒼崖怪瀑風書來飛鳥上僧出亂流
中世事千峰斷鄉心半偈空却將兄弟夢烟雨問
江東

過姜給事如農

梅村集九

五言律詩二

侍從知名早蕭條淮海東思親當道梗

如農迎母會膠萊有

兵亂哭弟在途窮

如須避地沒於哭下

骨肉悲歌裏君臣信史

中翩翩同榜客相對作衰翁

遠路

遠路猶兵後寒程况病餘裝綿妻子線致藥友人
書晚渡河津馬晨水驛舍車蕭條故園樹多負向
山廬

過東平故壘

重鎮銅龍第雄邊珠虎牌柳穿驍騎箭花落美人

釵有客謀亡海無書勸正淮將軍留戰骨狼藉雜
陽街

旅泊書懷

已遇江南雪須防濟北冰扁舟寒對酒獨客夜挑
燈流落書千卷清羸米半升微車何用急慚媿是
無能

黃河

金龍口決河從北入海清江宿遷水勢稍緩皆起新沙

白浪日崔嵬魚龍亦壯哉河聲天上改地脈水中
來潮落神鴉廟沙平戲馬臺滄桑今古事戰鼓不

梅村集九

五言律詩

須哀

桃源縣

在黃河南去淮陽八十里

豈有秦人住何來浪得名山中難避地河上得孤
城桃柳誰曾植桑麻近可耕君看問津處烽火只

縱橫

膠州

時有兵變

將已三年憊兵須六郡豪一時緣調遣平昔濫旌
旄後顧憂輜重前軍敢遁逃只今宜早擊都護莫
辭勞

白洋河

在淮安西北膠州叛兵從此過河時已收縛

膠海愁難定孫恩戰艦多却聞挑白馬此處渡黃河一戰收豺虎千軍唱橐駝淮西兒女笑溟渤亦安波

過古城謁三義廟

去桃源八十里爲石崇鎮下邳所築非三國時古城

也土人以傳說立廟傳奇有桃源結義耳食附會幾以爲真矣

廟貌高原古村巫薦白蘋河山雖兩地兄弟只三人舊俗傳香火殘碑誤鬼神普天皆漢土何必史書真

梅村集九

五言律詩四

項王廟

在宿遷項王下相人卽其地也

救趙非無算坑秦亦有名情深存魯沛氣盛失韓彭垓下騅難逝江東劍不成淒涼思畫錦遺恨在彭城

過南旺謁分水龍王廟

鱗甲往來中靈奇奪禹功平分泰山雨兩使濟河風岸似黃牛斷流疑白馬通始知青海上不必盡朝東

送天台何石湖之官臨晉兼簡蒲州道嚴方

公

山色界諸盤
河流天際看
孤城當古渡
絕岸入王官
社鼓堯祠近
鄉書禹穴難
若逢嚴夫子
爲報故人安

送紀伯紫往太原

不識盧從事
能添幕府雄
河穿高闕塞
山壓晉陽宮
霜磧三關樹
秋原萬馬風
相依劉越石
清嘯戍樓中

其二

梅村集九

五言律詩

羨殺狂書記
翩翩負令名
軍知長揖貴
客傲敝裘輕
酒肆傳呼醉
毬場倒屣迎
須看雁門守
不及洛陽生

其三

客舍同三子
春風去住愁
那知爲此別
五月又并州
榆莢催征騎
榴花落御溝
知君分手意
端不爲封侯

三子韓聖秋胡彥遠及伯紫也時彥遠已先行

其四

佐府偏多暇
從容岸幘時
詩成千騎待
檄就百城

知從獵貪呼妓行邊快賭碁歸將出塞曲唱與五陵兒

送友人往真定

五月常山去滹沱雨過清賣漿無舊隱挾瑟有新聲
曳履叢臺客授戈熊耳兵如逢趙公子須重魯連生

送純祐兄浙中藩幕

散吏仍爲客輕帆好過家但逢新種柳莫話久看花
黃閣交須舊青山道未賒獨嗟兄弟遠辛苦滯

梅村集九

五言律詩
六

京華

其二

一第添憔悴似君遭遇稀杜門先業廢乞祿壯心違
歌管移山棹湖光上客衣浪遊裝苟足叩我故園扉

其三

亦有湖山興棲遲減宦情官非遷吏傲客豈故侯
輕粉壁僧寮回烟堤妓舫聲從容趨府罷斗酒聽流鶯

其四

忽忽思陳事全家客刻中江山連暮雨身世隔殘
虹高館燃官燭清猿叫曉風一竿秋色裏踪跡媿
漁翁

曹秋岳龔芝麓分韵贈趙友沂得江州書三

字

策馬高原去烟鴻仰視雙疎鐘穿落木殘日動寒
江浪跡愁偏劇孤懷俠未降舊交相見罷沽酒語
南廳

梅村集九

五言律詩
七

其二

誰識三公子蕭條下澤車門高輕仕宦才大狎樵
漁黃葉窮幽興青山出異書不須身貴早千騎上
頭居

其三

已歸仍是客不遇却難留更作異鄉別倍添游子
愁風霜遠北土兵甲阻西州一雁低飛急關河萬
里秋

病中別孚令弟

昨歲衝寒別蕭條北固樓關山重落木風雪又歸
舟地僻城鴉亂天長塞雁愁客程良不易何日到
揚州

其二

秋盡霜鐘急歸帆畏改風家貧殘雪裏門閉亂山
中客睡愁難熟鄉書喜漸通長年沽市酒宿火夜
推篷

其三

十日長安住何曾把酒尊病憐兄彊飯窮代女營

梅村集九

五言律詩

婚別我還歸去憐渠始出門往來幾半載辛苦不
須論

其四

消息憑誰寄羈愁祇自哀逾時游子信到日老人
開久病吾猶在長途汝却回白頭驚起問新喜出
京來

其五

早達成何濟遭時信眇歡客游三月病世路一生
難憂患中年集形容老輩看相逢俱壯盛五十未

爲官

其六

此意無人識惟應父子知老猶經世亂健反覺兒
衰萬事愁何益浮名悔已遲北來三十口盡室更
依誰

其七

似我真成誤歸從汝仲兄教兒勤識字事母學躬
耕州郡羞干請門庭簡送迎古人親在日絕意在
虛名

梅村集九

五言律詩
九

其八

老母營齋誦家貧只此心飯僧餘白氎裝佛少黃
金骨肉情難盡關山思不禁楞嚴經讀罷無語淚
痕深

其九

寡妹無家苦拋離又一年老親頻念此別語倍潛
然性弱孤難立門衰產易捐獨留兄弟在中外幾
人憐

其十

穉子稱奇俊迎門笑語忙挽鬚憐尚幼摩頂喜堪
狂小輩推能慧新年料已長吾家三萬卷付托在
兒郎

再寄三弟

拙宦真無計歸謀數口資海田人戰後山稻雨來
時官稅催應早鄉租送易遲荷鋤西舍叟憐我問
歸期

其二

五畝山園勝春來客喚茶籬荒謀補竹溪冷課栽

梅村集九

五言律詩

花石迸墻根動松欹屋脚斜東莊租苟足修葺好
歸家

再送王玄照

行止頻難定裝輕忽戒塗望人離樹立征棹入雲
呼野色平沙雁朝光斷岸蘆此中蕭瑟意非爾不
能圖

送孫令修游真定

窮達非吾事霜林萬象凋北風吹大道別酒置河
橋急雪迴征雁低雲壓怒鵬曾爲燕趙客寥落在

今朝

送周子俶張青瑁往河南學使者幕

不第仍難去樓遲幕府游幾人推記室自古在中
州置酒龍門夜論文虎觀秋得依張壯武揮麈盡
風流

其二

少室多奇士君尋到幾峰山深惟杖策雲盡却聞
鐘文字真詮近鬚眉道氣濃相貽書一卷歸救葛

陂龍

子俶
好道

梅村集九

五言律詩
十一

其三

二陸來江左三張入雒中賦誇梁苑雪歌起鄴臺
風儉父休輕笑吳儂雅自雄短衣頻貰酒射獵過
城東

其四

誰失中原計經過廢壘高秋風向廣武夜雨宿成
臯此地關河險曾傳將士勞當時軍祭酒何不用
吾曹

其五

極目銅駝陌宮牆噪晚鴉北邙空有骨南渡更無
家青史憐如意蒼生遇永嘉傷心譚往事愁見雒
陽花

其六

河流天地盡白日待銷沉不謂斯文喪終存萬古
心典墳留太學鐘鼓起華林清雒安瀾後遺編定
可尋

送湘陰沈旭輪謫判深州

謫宦經年待蹉跎忝此州猶然領從事未得比諸

梅村集九

五言律詩
十二

侯旅食沾微祿官塗托浪游却嫌持手板廳壁姓
名留

其二

月出瀟湘水思家正渺然不知西去信可上北來
船故舊憐除目妻孥笑俸錢免教烽火隔飄泊楚
江邊

其三

此亦堪爲政無因笑傲輕爾能高治行世止薄科
名烟井流移復春苗斥鹵耕耜來稱一尉何必尚

專城

其四

豈不貪高卧其如世路非故園先業在多難幾時
歸遇事愁官長逢人羨布衣君看洞庭雁日夜向
南飛

送王子彥南歸

得失歸時輩如君總不然共知三徑志早定十年
前身業先疇廢家風素德傳蕭條書一卷重上故
鄉船

梅村集九

五言律詩
十三

其二

一第雖無意名場技有餘解頤匡鼎說運腕率更
書材已遭時棄官猶辱詔除白頭纔一命需次
復何如

子彥已滿選得
官需次未授

其三

錯受塵途誤栖栖蚤半生中年存舊業雅志畢躬
耕憂患妨高臥衰遲累遠行與君嗟失路不獨爲
無成

其四

客裏逢中表登臨酒一杯好將身計拙留使後人
材燈火鄉園近風塵笑語開相攜孫入抱解喚阿
翁來

子彥近得孫
余之外孫也

代州

萬里無征戍三關却晏然河來非漢境雪積自堯
年將老空屯卧僧高絕漢還中原偏戰鬪此地不
爲邊

送穆苑先南還

遍欲商身計相逢話始真幸留殘歲伴忍作獨歸

梅村集九

五言律詩
十四

人年逼愁中老家安夢裏貧與君謀共隱爲報故
園春

其二

驟見疑還喜堪當我半歸路從今日近信果向來
稀同事交方散殘編道已非老親看慰甚坐久更
沾衣

其三

舍弟今年別臨分恰杪秋苦將前日淚重向故人
流海國愁安枕鄉

喜薄收相期裁數紙春雨便

歸舟

其四

庭樹書來長空階落葉黃酒乘今夜月夢遶一林
霜客過探松塢童饑偃石床因君謝猿鶴開我北
山堂

送何蓉菴出守贛州

想見征途便還家正早秋江聲連賜第帆影上浮
丘兒女貪成長親朋感去留無將故鄉夢不及石
城頭

梅村集九

五言律詩
十五

其二

郡閣登臨迥江湖已解兵百灘爭二水一嶺背孤
城石落蛟還鬪天清雁自橫新來賢太守官柳戰
場生

其三

三載爲郎久棲遲共一貧師恩衰境負友道客途
眞世德推醇謹鄉心入隱淪蕭條何水部未肯受
風塵

其四

弱息憐還幼扶持有大家高門雖宦跡遠嫁况天
涯小字裁魚素長亭響鹿車白頭雙淚在相送日
將斜

猿

得食驚心裏逢人屢顧中側身探老樹長臂引秋
風傲弄忘形便羈棲抵掌工忽如思父子回叫故
山空

蒙駝

獨任三軍苦安西萬里行鑄銅疑鶴頸和角廢驢

梅村集九

五言律詩
十六

鳴山負祁連重泉知鄴善清可憐終後載汗血擅
功名

象

神象何年至傳聞自戰場齒能齊玉德性不受金
創白足踟趺坐黃門拜舞行越人歸駕馭未許鼻
亭狂

牛

瑩角偏轅快奔蹄伏輓窮賣刀耕隴上執耨犒軍
中游刃庖丁技扶犁田父功君王思繭粟座右

罽鹵風

時頒戒
殺牛文

蒲萄

百斛明珠富清陰翠幕張曉懸愁欲墜露摘愛先
嘗色映金盤果香流玉椀漿不勞葱嶺使常得進
君王

石榴

五月華林宴榴花入眼來百株當戶踰萬火照樓
臺絳帳垂羅袖紅房出粉腮江南逢巧笑齟齬向
人開

江南石榴多
裂北方獨否

梅村集九

五言律詩
十七

蘋婆

漢苑收名果如君滿玉盤幾年沙海使移入上林
看對酒花仍艷經霜實未殘茂陵消渴甚飽食勝
加餐

文官果

近世誰來尚何因擅此名小心氷骨細虛體綠袍
輕味以經嘗淡香從入手清時珍誇衆口殺核大
縱橫

水

清濁看都淨長安喚買冰見來消易待欲問價偏
增潔自盤中顯涼因酒後勝若求調燮理坐上去
青蠅

南苑春蒐應制

詔閱期門旅饒歌起上林風雲開步伍草木壯登
臨天子三驅禮將軍百戰心割鮮親讌罷告語
主恩深

送田髡淵孝廉南還

客路論投分三年便已深每尋蕭寺約共話故園

梅村集九

五言律詩
十八

心遠水明浮棹疎村響急砧灞亭橋畔柳恰爲兩
人陰

其二

窮老無相識如君得數過祇貪懷抱盡其奈別離
多晝靜堪攤卷江寬足放歌勝游佳絕處回首隔
關河

其三

拂袖非長策蹉跎爲老親還家仍作客不仕却依
人勝識酬知己奇懷答鬼神鏡湖千丈月莫染雜

陽塵

其四

浪跡存吾道風流獨有君羣公雖走幣狂客自掄
文樽酒堪呼月雙峰看出雲可憐滄海上宋玉正
參軍

偶見

挾彈打文鵝翻身馬注坡輕鞭過易水大雪滿滹
沱錦帽垂青鼠銀罌出紫駝少時從出塞十五便
橫戈

梅村集九

五言律詩
十九

送詹司理之官濟南

詹楚人余
所得士

匹馬指營丘風清肅爽鳩齊言盈萬戶楚客長諸
侯梅發江關信松高日觀秋故人慚鮑叔相送話
東游

幼女

抱去纔周晬應難記別時信來偏早慧似解識京
師書到遲回問人前含吐詞可憐汝母病臨絕話
相思

送程太史翼蒼謫姑蘇學博

道重何妨謫官輕却便歸程門晴雪迥吳市暮山
微舊俗弦歌在前賢文字非卽今崇政殿寥落侍
臣衣

送郭宮贊次庵謫宦山西

薄宦知何恨秋風刷羽毛因沾太行雪憶賜未央
袍問俗壺關老籌邊馬邑豪爭傳郭有道名姓歷
詞曹

送純祐兄之官確山

五十猶卑宦栖栖在此行官從鵝炙貴客向馬蹄

梅村集九

五言律詩
二十一

輕風俗高持論山川喜罷兵清時人物重縣小足
知名

其二

絕有明湖勝青山屬蔡州曾爲釣臺客今作朗陵
侯定訪袁安卧須從叔度游政閒人吏散廳壁掃
丹丘

其三

懸瓠城西路關山雪夜刀至今勞戰伐何日剪蓬
蒿地瘠軍租少官輕客將豪相逢蔡父老閒說漢

功曹

其四

落日龍陂望西風動黍禾歸人淮右近名士汝南
多河上孤城迥天中萬馬過一官凋瘵後兄弟意
如何

梅村集九

五言律詩
二十一

梅村集卷第九 終

梅村集卷第十

五言律詩三

過中峰禮蒼公塔

下馬支公塔經聲萬壑松影留吟處石智出定時
鐘尚記山中約誰傳海外逢平生詩力健翹足在
何峰

其二

明月心常湛寒泉性不枯鳥啼香積散花落影堂
孤道在寧來去名高定有無淒涼看筆塚遺墨滿

梅村集十一

五言律詩

江湖

其三

慧業誰能繼宗風絕可哀昔人存馬癖近代薄詩
才鹿走譚經苑鴉飛說法臺空懸竹如意落日講
堂開

其四

故國流沙近黃金窳堵坡胡僧眉拄地梵夾口懸
河傳法青蓮湧還家白馬馱他年乘願到應認舊

山阿

蒼公
真人

過王菴看梅感興

練川城南三十里爲王菴學憲王先生著
書地也有梅萬株不減鄧尉余以春日過
其廢圃學憲所著數種其版籍尚存

地僻幽人賞名高拙宦居客來唯老樹花發爲殘
書斜日空林鳥微風曲沼魚平生貪著迹零落意
何如

獨往王菴看梅沈雨公攜尊道值余已遄返
賦此爲笑

梅村集十一

五言律詩

屢負尋山約偶然來此間多君攜酒至愧我放船
還雙屐成孤往千林就一閒誰知種花叟鎮日不
開關

送致言上人

獨下千峰去蒼溪出樹腰雲生穿磴屐月滿過江
瓢一飯從村寺前身夢石橋經行無定着惆悵故

山遙

過韓蘄王墓

訪古思天塹江聲戰鼓中全家知轉鬪健婦笑臨

戎汗馬歸諸將疲驢念兩宮淒涼岳少保宿艸起
秋風

其二

行在倉黃日提兵過故鄉傳聞同父老流涕說君
王石馬心猶壯雲臺跡已荒一坏堪漬酒殘日下
平岡

其三

詔起祁連塚豐碑有賜亭掛弓關塞月埋劍羽林
星百戰黃龍艦三江白石銘趙家金椀出山鬼哭

梅村集十

五言律詩
三

冬青

其四

丘壘今蕪沒江山竟寂寥松風吹北固碑雨洗南
朝細路牛羊上荒岡草木凋宵客樵監擾遺恨在
金焦

宿沈文長山館

一徑艸堂偏湖光四壁天焙茶松竈火浴繭竹籬
泉玉鼠仙人洞銀鱸釣客船前村呼種樹偶語石
橋邊

遇山思便住此地信堪留
謀食因溪確齋心在石
樓漁舟帆六面橋并樹
千頭長共鴟夷子翩然結
伴游

福源寺

去毛公壇三里為攢雲嶺有福源寺以泉名羅漢松係梁朝舊物

千尺攢雲嶺金銀佛寺開
鹿仙吹笛過龍女換珠
來泉繞譚經苑松依說法
臺蕭梁留古樹風雨不
凡材

包山寺贈古如和尚

梅村集十

五言律詩四

古木包山寺蒼然曉氣平
石毛仙蛻冷近毛公壇雲影
佛衣輕咒鉢蛟人聽彈碁
鶴子驚相逢茶早熟匡
坐說無生

過圻村

萬壑響鳴蟬湖光樹杪懸
雲鬟神女廟雪乳隱君
泉山籠櫻桃重溪船菱芡
鮮相攜從此住松老不
知年

湖中懷友

渺渺晴波晚青青芳草時
遠帆看似定獨樹去何

遲花落劉根廟雲生柳毅洞香尊正可擷欲寄起
相思

七夕卽事

羽扇西王母雲輶薛夜來鍼神天上落槎客日邊
回鵲渚星橋迥羊車水殿開祇今漢武帝新起集
雲臺

其二

今夜天孫錦重將聘雒神黃金裝鈿合寶馬立文
茵刻石昆明水停梭結綺春沉香亭畔語不數戚

梅村集十一

五言律詩

夫人

其三

仙醞陳瓜果天衣曝綺羅高臺吹玉笛複道入銀
河曼倩詠諧笑延年婉轉歌江南新樂府齊唱夜
如何

其四

花萼高樓迥岐王共輦游淮南丹未熟緜嶺樹先
秋詔罷驪山宴恩深漢渚愁傷心長枕被無意
候牽牛

大根菜

幾葉青青古穿泥弗染痕誰人愛高潔留汝歷涼
溫輪囷形難老芳辛味獨存古來磐石重不必取
深根

趵突泉

似瀑懸何處飛來絕壑風伏流根窈渺跳沫拂虛
空石破奔泉上雲埋廢井通錯疑人力巧天地枯
樺中

其二

梅村集十

五言律詩
六

不信乘空起憑關直濺衣池平難作勢石隱定藏
機曲水金人立凌波玉女歸神魚鱗甲動咫尺白
雲飛

贈新秦令楊仲延其地爲羊叔子故里

置邑徂徠下雙槐夾訟堂殘民弓作社遺碣石爲
莊野繭齊紈美春泉魯酒香歸來羊太傅不用泣
襄陽

靈巖觀設戒

湖山留霸跡花鳥供經臺不信黃池會今看白社

開枯潭龍洗出妙塔雁歸來此地關興廢須資法
將才

遙別故友

絕域重分路知君萬里餘馬頭辭主淚雁足覆巢
書艸沒還家夢霜飛過磧車齊諧他日事應記北
溟魚

其二

雪深難見日海盡再逢關野鼠多同穴神魚斷似
山只應呼草地都不類人間勉謝從行者他年有

梅村集十一

五言律詩
七

簡還

秋夜不寐

秋多入衆音不寐夜沉沉浩劫安危計浮生久暫
心鄰雞殘夢斷牕雨一燈深薄冷披衣起晨鳥已
滿林

七夕感事

南飛烏鵲夜北顧鸛鵝軍圍壁鉦傳火巢車劍拄
雲江從嚴鼓斷風向祭牙分眼見孫曹事他年著
異聞

喜願雲師從廬山歸

并序

願師住雲居十年而歸出其匡廬詩道五
老石門九竒三疊諸勝飛泉怪瀑不可思
議而尤以御碑亭雲海爲第一觀竟似住
鏡光白銀二種世界不知滄桑浮塵爲何
等事矣願公贈予五十初度詩其落句曰
半百定將前諾踐敢期對坐聽松聲蓋責
予前約會時方喪亂衰病無家願以高堂
垂白不能隨師以去也乃爲此詩荅之

梅村集十

五言律詩

勝絕觀心處天風萬壑聲石門千鏡入雲海一身
輕出世悲時事忘情念友生亂離兄弟恨辜負十
年盟

贈錢受明

獨喜營時譽疎通邁等倫地從諸父重性似外家
貧裘馬無他好詩書別有神古來傳孝謹非必守
前人

受明得子柬賀

長因故人子往事憶流連曾忝充閭會俄逢拜袞

年諸甥今甫爾入抱却依然吾老猶堪待公卿只眼前

宿徐元歎落水菴

元歎棄家住故鄆山中亂後歸天池丙舍落水菴竟

陵譚友夏所題也

落水萬山心蕭條無古今棄家歸去晚別業往來深客過松間飯僧留石上琴早成茅屋計枉向白雲尋

送王子惟夏以牽染北行

晚歲論時輩空羣汝擅能祇疑櫟陽逮猶是濟南

梅村集十

五言律詩九

徵名字供人借文章召鬼憎阿戎才地在到此亦何憑

其二

二十輕當世愁君門戶難比來狂大減翻致禍無端落水鄉關遠疲鱸道路寒敝衣王謝物請勿笑南冠

其三

客睡愁頻起霜天貫索明此中多將相何事一書生末俗高門賤清時頌繫輕爲文投獄吏歸去就

躬耕

其四

但可寬幽繫從教察孝廉昔人能薦達名士出髡
鉗世局胥靡夢生涯季主占定聞收杜篤寧止放
江淹

虎丘中秋新霽

萬籟廣場合道人心地平天留今夜月雨洗去年
兵歌管星河動禪燈風露清淒涼闔閭墓斷壑起
松聲

梅村集十

五言律詩

哭亡女

喪亂才生汝全家竄道邊畏啼思便棄得免意加
憐兒女關餘劫干戈遍小年興亡天下事追感倍
凄然

其二

一慟憐渠幼他鄉失母時止因身未殞每恨見無
期白骨投懷抱黃泉訴別離相依三尺土腸斷孝
娥碑

其三

扶病常聞亂漂零實可憂危時難共濟短算亦良
謀訣絕頻攜手傷心但舉頭昨宵還勸我不必淚
長流

中秋看月有感

今年京口月猶得杖藜看暫息干戈易重經少壯
難江聲連戍鼓入影出漁竿晚悟盈虧理愁君白

玉盤

玉盤支硯山齋聽雨明日早晴更宿法螺精舍

秋山所宿處指點白雲生故作中宵雨倍添今日

梅村集十

五言律詩
十一

晴一峰當止觀萬象逼孤清更上上方去松風吹

玉筌

憩趙凡夫所鑿石

石骨何年斲蒼然萬態收直從文字變豈止斧斤
搜亂瀑垂痕古枯松結體適卽今苔蘚剝一一類

銀鈞

趙凡夫山居爲祠堂今改爲報恩寺

高人心力盡石在道長存古佛同居住名山卽子
孫飛泉穿樹腹奇字入雲根夜半藤蘿月鐘聲冷

墓門

靈巖繼起和尚應曹村金相國詩住虎丘祖

席

應物心無繫觀空老辯才道隨諸佛住山是相公
開日出巖齋鼓天清護講臺居然歌舞地人爲放
叅來

王增城子彥罷官哭子留滯不歸近傳口信
不得一字詩以歎之

老狗妻拏意辭家苦萬端關心惟少子失計在微

梅村集十

五言律詩
十一

官客夢烏衣巷鄉愁白石灘可憐消息到猶作兩
人看

其二

庾嶺應逢雁章江莫寄魚遙知雙淚盡不遑一行
書家在無歸趣途窮失所如故鄉宜早去臨發乃
長吁

寄懷陳直方

漢法三冬繫秦關萬里流可憐諸子壯不料闔門
收要路寃誰救寃恩病獨留羈栖騎瘦馬風雪阻

他州

其二

百口風波大三生夢寐真膏粱虛早歲辛苦得前身索米芒鞋雪傭書布帽塵不知公府椽可識路傍人

其三

萬事偶相值愁中且遣家江山俄轉戰妻子又天涯客酒消殘漏軍書過落花出門翻自笑安穩只龍沙

其四

時世高門懼似君誠又稀何辜憂并坐卽免忍先歸苦語思持滿勞生羨息機向來兄弟輩裘馬自輕肥

詠月

長夜清輝發愁來分外明徘徊新戰骨經過舊臺城秋色知何處江心似不平可堪吹急管重起故鄉情

訪商情郊居有贈

花影瘦籬根江平客在門曉吟寒入市晚食雨歸
村管記看山爽傭書宿火痕西京游俠傳乃父姓
名存

假寐得月

滅燭貪涼夜牕陰夢不成雲從閉目過月向舉頭
生樹黑添深深影溪長耐獨行故人多萬里相望祇
盈盈

三峰秋曉

曉色近諸天霜空萬象懸雞鳴松頂日僧語石房

梅村集十

五言律詩十四

烟清磬秀羣水幽花香一泉欲叅黃蘗義便向此
中傳

偕顧伊人晚從維摩踰嶺宿破山寺

樹老不言處秋深無事中雲根僧過白霜信客來
紅樵語隔林火茶烟小院風杳然松下路人影石
橋東

維摩楓林絕勝則公獨閉關結足出新詩見

示

遇賞只枯坐秋林自着霜道心黃蘗澹勝事白雲

志澗水通茶竈山花對石牀靜中幽思足爲我出
詩囊

夜發破山寺別鶴如上人

得來松下宿初月澹相親山近住難定僧高別更
真暗泉隨去馬急葉捲歸人過盡碧雲處我心慚
隱淪

苦雨

響苦滴殘更愁中耳倍明生涯貪舊業天意誤躬
耕乞火泥連屋輪租潦滿城誰家歌舞宴徹曉不

梅村集十

五言律詩
十五

聞聲

茸城客樓大風曉寒吟眺以示友聖九日玉

符諸子

偶作扁舟興偏逢旅夜窮鴉啼殘夢樹客話曉樓
風月落三江外城荒萬馬中空持一尊酒歌哭與
誰同

遇宋子建話故友有感

對酒徐君劍披襟宋玉秋蕭條當晚歲生死隔炎
洲萬里書難到三山夢可求

子建
學仙

傷心南去雁老

淚只交流

樓聞晚角

霜角麗譙聞天邊橫海軍旗翻當落木馬動切寒
雲風急城烏亂江昏野燒分何年鼙鼓息倚枕向
斜曛

送錢子璧赴大名

一騎衝寒雪孤城叫晚鴉叅軍雄鎮地上客相公
家酒盡河聲合燈殘劍影斜信陵方下士旅思莫
興嗟

梅村集十

五言律詩
十六

過諸乾一細林山館

興極期偏誤名山識旅愁橋痕穿谷口亭影壓溪
頭霞爛丹山鼎松鳴白石樓居然華燭夜先爲一
峰留

神山夜宿贈諸乾一

高士能調鶴仙人得臥龍穿雲三徑杖聽月五聲
鐘管樂名堪亞彭佺道自濃獨來天際住嘯詠赤
城松

過徐文在西余山莊

已棄藍田第還來灞水濱
烟開孤樹迥霜淨一峰
真路曲山迎杖廊空月就人
始知蕭相計留此待
沉淪

細林夜集送別倩扶女郎

遠翠入頰眉輕寒袖半垂
花生神女廟月落影娥
池深竹微風度晴沙細
履移回看下山路紅燭爲
誰遲

天馬山過鐵崖墓有感

天馬龍爲友雲山鳥自飛
定愁黃紙召獨羨白衣

梅村集十

五言律詩
十七

歸長卷心同苦狂歌調已非
悲來吹鐵笛莫笑和
人稀

陳徵君西余山祠

通隱居成市風流白石仙
地高卿相上身遠亂離
前客記茶龕夜僧追筆冢
年故人重下拜酌酒向
江天

橫雲

青嶂千金鑿丹樓百尺高空
山開化迹異代接賢

豪李氏園亭廢後近
爲諸乾一改築

身世供危眺妻孥付濁醪
雙

睥雲背豁飛鳥敢吾逃

送聖符弟之任斬水丞

隨牒爲人佐全家漢水東
放衙廳壁冷趨府戟門
雄屈宋風塵下江山醒醉中
丈夫從薄祿莫作故園窮

其二

四十未專城除書負姓名才高方薦達地僻鮮逢
迎夏簟琴牀淨春泉茗椀清公餘臨墨沼洗筆畫

圖成

斬有陸羽泉右軍洗筆池聖符善畫

梅村集十

五言律詩十八

其三

西上今吾弟分攜北固樓最高搔白首何處望黃
州故舊忻無恙烟波感昔游斬春有香草相寄慰

離愁

兼東畢協公侍御

其四

訪俗曾經亂車過大澤鄉殘民談勝廣舊國記江
黃廿載流移復三湘轉運長正逢休息後溫詔

重循良

暮夜舟過溪橋示顧伊人

深岸聽微風江清不寐中舟行人影動橋語月明
空寺樹侵門黑漁燈颭水紅誰家更吹笛歸思澗
湖東

余山遇姚翁出所画花鳥見贈

七十忘機叟空山羨獨行只今來白石當日住青
城一斗開顏笑千花洗筆成那知牙齒落忽發浩
歌聲

贈青溪蔡羽明

家傍山城住前賢定可追一經傳漢相八法繼秦

梅村集十

五言律詩
十九

碑仙是麻姑降才非唐舉知逃名因賣藥不愧鹿
門期

橘

莫設西山戍蕭條是橘官

時洞庭初
增兵將

果從今歲少

樹爲去年寒

昨冬大寒橘
大半枯死

一絹輸將苦千頭剪伐

殘茂陵消渴甚只向上林看

蛤蜊

疆飯無良法全憑適口湯食經高此族酒客得誰
方水斷車螯味厨空牡蠣房江南沈昭略苦嗜不

能嘗

贈殘

棄擲誠何細夫差信老饕微茫經七箸變化人波
濤風俗銀盤薦江湖玉饌高六千殘卒在脫網總
秋毫

林書石首

採鮮諸狹少打鼓伐藏冰五月三江去千金一網
能尾黃荷葉蓋腮赤柳條勝笑殺兒童語烹來可
飯僧

梅村集十

五言律詩
二十

燕窩

海燕無家苦爭啣白小魚却供人採食未卜汝安
居味入金壘美巢營玉壘虛大官求遠物早獻上
林書

海參

預使燂湯洗遲纔入鼎鑊禁猶寬北海饌可佐南
烹產登萊海中故無禁莫辨蟲魚族休疑草木名但將滋味
補勿藥養餘生

比目

比目誠何恨滄波作伴游幸逃網罟厄可免別離
愁小市時珍改殘書土物收若逢封禪詔定向海

邊求

得東海比目魚始
可封禪見管子

齋

舊俗魚鹽賤貧家入饌輕自慚非食肉每飯望休
兵餘骨羶何附長餐臭有情腐儒嗟口腹屬饜負
昇平

過吳江有感

落日松陵道堤長欲抱城塔盤湖勢動橋引月痕

梅村集十

五言律詩
二十一

生市靜人逃賦江寬客避兵廿年交舊散把酒歎
浮名

莫釐峰

始信一生誤未來天際看亂峰經數轉遠水忽于
盤獨立久方定孤懷驟已寬亦知歸徑晚老續此
游難

送沈友聖漢川哭友詩

并序

漢川顧西巘侍御與雲間沈山人友聖爲
布衣交使吳深自折節友聖長揖就坐箕

踞狂嘯無所不敢當所居田均蓬蔚衡門
兩版侍御出郊枉訪停車話舊一郡皆驚
西爨亡友聖徒步三千里哭之糧盡道寒
直前不顧予與友聖交厚侍御亦以友聖
之故厚予嘗三人虎丘夜飲其鄭重之意
風雨小形諸圖画見於歌詩漢川之行惜予不能
從也爰作詩寓其悲焉

士有一知己無須更不平世翻嫌鮑叔人竊罵侯
生置飲忘形踞停驂廢禮迎柴門車轍在感舊淚

梅村集十

五言律詩
二十二

縱橫

其二

得信俄狂走千山一哭中棄家芒屨雪爲位草亭
風兩水江聲合三生友道空祇留黃鶴夢相見話
詩翁

其三

貧賤誰曾託相逢許此身論文青眼客漬酒白衣
人丘壠松楸冷江山薤露新一杯傾漢水不肯負

春申

其四

徒步愁糧盡傷心是各天雲埋大別樹雪暗小孤
船死友今朝見狂名到處傳范張千里約重補入
晴川

秦留仙寄暢園三詠

同姜西溟嚴蓀
友顧伊人作

山池塔影

黛色常疑雨溪堂正早秋亂山來衆響倒景漾中
流似有一帆至何因半塔留眼前通妙理斜日在
峰頭

梅村集十

五言律詩
二十三

惠井支泉

石斷源何處涓涓樹底生遇風流乍急入夜響尤
清枕可穿雲聽茶頻帶月烹只因愁水遞到此暫
逃名

宛轉橋

斜月掛銀河虹橋樂事多花歎當曲檻石礙折層
波客子沉吟去佳人窈窕過玉簫知此意宛轉采
蓮歌

慧山酒樓遇蔣翁

桑苧誰來繼名泉屬賣漿價應誇下若味豈過程
鄉故老空山裏高樓大道旁我同何水部漫說撥
醅香

夷門家園次罷官吳興有感

世路嗟誰穩栖遲可奈何官隨殘夢短客比亂山
多閉閣凝香坐行厨載酒過却聽漁唱響落日有
風波

其二

勝事難忘處陰晴檻外峰高臺爭見水曲塢自栽

梅村集十

五言律詩
二十四

松失志花還放離程鶴未從白雲長澹澹猶作到
時容

其三

枉殉千金諾空酬一飯恩只今求國士誰與報王
孫強悶裁詩卷長歌向酒尊古人高急難歎息在

夷門

其四

劇郡非吾好蕭條去國身幾年稱傲吏此日作詩
人京洛虛名誤江湖懶病真一官知己愧所得是

長貧

許九日顧伊人和元人齋中雜咏詩成持示
戲效其體

焦桐

流落中郎怨薰風意乍開響因知已出歌爲逐臣
哀一曲尊前奏千金爨下材漢家忘厝火絕調過
江來

蠹簡

飽食終何用難全不朽名秦灰招鼠盜魯壁竄齕

梅村集

十一
五言律詩
二十五

生刀筆偏無害神仙豈易成却留殘闕處付與豎

儒爭

殘書

原自無多筆年深色便凋茶烟衝雨過竹粉遇風
飄童懶犀從墮兒頑墨誤描六朝金粉地落木更
蕭蕭

舊劍

此豈封侯日摩挲憶往年恩仇當酒後關塞卽燈
前解去將誰贈輸來弗值錢不逢張壯武辜負寶

刀篇

破硯

一擲南唐恨拋殘剩石頭江山形半截寶玉氣全
收洗墨池成玦窺書月仰鈎記曾疏闕失望斷紫
雲愁

廢檠

憶曾同不寐棄置亦何心喜伴疎窓冷愁添老屋
深書將隣火映夢共佛燈沉莫歎蘭膏燼應無黠
鼠侵

梅村集十

五言律詩
二十六

塵鏡

舉目風塵暗全遮皓魄輝休嗟青鏡改憐我白頭
非秦女粧猶在陳宮淚怎揮不知徐孺子負局幾
時歸

斷碑

妙蹟多完闕天然反失真銷亡關世代洗刷見精
神揚處懸崖險裝來斷墨新正從毫髮辨半字亦
先秦

過東山朱氏畫樓有感

并序

東洞庭以山後爲尤勝有碧山里朱君築樓教其家姬歌舞君每歸自湖中不半里今從者據船屋作鐵笛數弄家人聞之皆出樓西有赤欄干累丈餘諸姬十二人艷粧凝睇指點歸舟於烟波杳靄間旣至卽洞簫鈿鼓諧笑並作見者初不類人世也君以布衣畜伎晚而有指索其所愛者以是不樂遣去無何竟卒余偶以春日過其里雖簾幙凝一而湖山晴美樓頭有紅杏一株傍簷欲笑客爲余言君生平愛花病困猶扶而瀝酒再拜致別諸伎中有紫雲者爲感其意至今守志不嫁嗟乎由此足以得君之爲人矣爲題五言詩于壁上盡說凝眸望東風徙倚身如何踏歌處不見看花人舊曲拋紅豆新愁長白蘋傷心關盼盼又是一年春

葉君允文偕兩叔及余兄弟游寒山深處

投足疑無地逢泉細聽來松顛湖影動峰背夕陽

閒客過攜山榼僧歸掃石臺狂呼聲撼木麋鹿莫
驚猜

查灣西望

屢折纔成望山窓插石根溼雲低染徑老樹半侵
門漁直看疑岸沙橫欲抱村湖光猶在眼燈火動
黃昏

拜王文恪公墓

舊德豐碑冷湖天敞寂寥勳名高故相經術重前
朝致主惟堯舜憂時在豎刁百年人世改野唱起

梅村集十

五言律詩
二十八

漁樵

胥王廟

伍相丹青像鬚眉見老臣三江籌楚越一劔答君
親雲壑埋忠憤風濤訴苦辛平生家國恨偏遇故
鄉人

查灣過友人飯

碧螺峰下去宛轉得山家橋市人沽釀桑村客焙
茶溪橋逢樹轉石路逐灘斜莫負籃輿興天桃已
著花

寒山晚眺

驟入初疑誤沿源興不窮穿林人漸小攬葛道微
通湖出千松杪鐘生萬壑中晚來山月吐遙指斷
巖東

翠峰寺遇友

卧疾峰腰寺欹危脚步勞松聲侵殿冷花勢擁樓

高薄俗詩書賤空山將吏豪

時有戎將居寺中

不堪從置

酒白髮白蕭騷

登寒山高處策杖行崖谷中

梅村集十

五言律詩二十九

側視峰形轉空蒼萬象陰斷巖湖數尺絕澗樹千
尋日透玲瓏影烟生窈靄心忽逢天際廣始覺所
來深

沙嶺

亂峰當面立反憇得平丘坐卧此云適歌呼不自
由支頤蒼鹿過坦腹白雲留笑指鳥飛處有人來
上頭

飯石峰

半空鳴杵日狼藉甌山傍莫救黔黎餓誰開白帝

倉養芝香作粒煮石露爲漿飯顆相逢瘦詩翁詎飽嘗

柳毅井

其地卽橘社

仙井鹿盧音原泉瀉橘林寒添玉女恨清見柳郎
心短綆書難到雙魚信豈沉波瀾長不起千尺爲
情深

夫養雞山

夫差養鬪雞處

飲啄丹山小長鳴澤畔雲錦冠虛恃氣金距耿超
羣歛翅雌猶守專塲勝未分西施眠正熟啼報越

梅村集十

五言律詩三十

來軍

旣里

在武山吳王養馬處

夫差芻秣地遺跡五湖傳柳葉青絲鞵桃花赤汗
羈武山桃花爲東洞庭一勝降王羞執轡艷妾笑垂鞭老驥哀

鳴甚西風死骨捐

仙掌樓留別衆友

杯酒鏡湖平持來送客行可憐高會處偏起故園
情烟鳥窓中滅風帆樹杪生遙看沙渡口明日是

離程

登東山雨花臺

白雲去何處我步入雲根一水圍山閣千花夾寺門日翻深谷景烟抹遠天痕變滅分晴晦悠然道已存

留洞庭二十日歸自水東小港

漸覺湖天改扁舟曲曲行野橋誰繫姓村樹亦知名晚市魚蝦賤煙汀菰米生偶逢空濶處重起舊灘聲

武山

本名虎山夫差於其地養虎李唐諱虎爲武至今仍之

梅村集十

五言律詩三十一

蓬蒿
霸略誇擒縱君王置虎牢至今從震澤疑是射成臯土俗無機穽山風少怒號千秋遺患處誰始剪

題郁靜巖齋前壘石

就石補奇雲潭幽亂石文貞堅應有性高下亦唯君鳥雀因人亂松杉我獨聞苔階含古色落落自同羣

梅村集卷第十一

七言律詩一

梅村

枳籬茅舍掩蒼苔，乞竹分花手自栽。不好請人會客過，慣遲作茗愛書來。閒聽雨灑詩卷，獨樹看雲上嘯臺。桑落酒香盧橘美，釣船斜繫草堂開。

王烟客招往西田同黃二攝六王太子彥及

家舅氏朱昭芭李爾公賓侯兄弟賞菊

九秋風物令公香

文肅嗜菊此其遺愛

三徑滋培處，士莊花

梅村集十一
七言律詩

似賜緋兼賜紫，人曾衣白對衣黃。未堪醉酒師彭澤，欲借飡英問首陽。轉眼東籬有何意，莊嚴金色是空王。

其二

不扶自直疎還密，已折仍開瘦更妍。最愛蕭齋臨素壁，好因高燭耀華鈿。坐來艷質同杯泛，老去孤根僅瓦全。薛者以瓦束土苦向鄰家怨，移植寄人籬。下受

人憐

王太常西田雜興韻

一卧溪雲相見稀
繫船枯柳叩斜扉
橋通小市魚蝦賤
水遶孤邨烟火微
到處琴書攜自近
驟來賓客看人圍
画將松雪花溪卷
補入西田老衲衣

其二

積暑空庭鳥雀稀
泉聲入竹冷巖扉
芒鞋藤杖將迎少
蟬舍魚莊生事微
病酒客攜茶甌到
罷棋人簇画圖圍
日斜清簟追涼好
移榻梧陰見解衣

其三

苦竹黃蘆宿火稀
渡頭人歇望歸扉
偶添小閣林

梅村集十一

七言律詩

巒秀漸見歸帆烟
靄微蔬圃草深鳧
雁亂水亭橋沒
芰荷圍夜涼捲幔
深更話已御秋來
白袷衣

其四

竹塢花潭過客稀
灌畦纔罷掩松扉
道人石上支頤久
漁父磯頭欸乃微
潮沒秋田孤鶩遠
閣舍山雨斷虹圍
亭臯木落黃州夢
江海翩躚一羽衣

其五

亂後歸來桑柘稀
牽船補屋就柴扉
游魚目見江湖闊
野雀何知身體微
聽說詩書田父喜
偶譚城

市醉人圍昨朝換去機頭布已見新縫短後衣

其六

勝情今日似君稀鷺立灘頭隱釣扉屋置茶寮圖
陸羽軒開畫壁祀探微蕭齋散帙知耽癖高座談
經早解圍手植松枝當塵尾雲林居士水田衣

其七

相逢道舊故交稀偶過鄰翁話掩扉陶氏先疇思
士行謝家遺緒羨弘微城中賜第書千卷祠下豐
碑柳十圍今日亂離牢落甚秋風禾黍淚沾衣

梅村集十一

七言律詩

其八

春曉臺前春思稀故園蘿薜繞山扉僮畊十畝桑
麻熟僧住一龕鐘磬微題就詩篇纔滿壁種來松
栝已成圍而今却向西田老換石栽花典敝衣

壽王子彥五十

二十登車侈壯游軟塵京雒紫驂驅九成宮體銀

鈞就

善歐體

萬卷樓居玉軸收

家有樓名萬卷

縱解擣蒲非

漫戲卽看哺酸亦風流

善善

嗽筍輿芒屨春山路故舊

相逢總白頭

其二

舊業城西二頃田著書聞已續長編兩賢門第知
應補十上才名祇自憐投老漫裁居士服畏人還
趨孝廉船只因梅信歸來晚手植松枝暗記年

其三

懶將身世近浮名殘客繇來厭送迎獨處意非關
水石逢人口不識杯鐺衣帽蘊藉多風貌硯几清
巖見性情子弟皆賢賓從好似君纔勿媿平生

其四

梅村集十一

七言律詩

雖云文籍與儒林獨行居然擅古今五簋留賓高
士約百金投客故人心尊彝布列圖書貴花木蕭
疎池館深晚向鹿門思采藥漢濱漁父共浮沈

姜如須從越中寄詩次韻

漂泊江湖魯兩生亂離牢落暮雲平秦餘祀日刊
黃縣越絕編年紀赤城南菊逢人懷故國西牕聽
雨話陪京不堪兄弟頻回首落水蕭蕭非世情

言懷

苦留蹤跡住塵寰學道無成且閉關只爲魯連寧

蹈海誰云介子不焚山枯桐半死心還直斷石經
移蘇白斑欲就君平問消息風波幾得釣船還

周子傲讀書愛客白擲劇飲又善音律好

大方伎爲此詩以喟之

大隱先生賦索居比來詩酒復何如馬融絳帳仍
吹笛劉向黃金止讀書窮賴文章供飲博興因賓
客賣田廬莫臨廣武頻長嘆醉後疎狂病未除

同許九日韻伊人洞庭山館聽雨

曉閣登臨意渺然蘆花蕭瑟五湖天雲深古洞藏

梅村集十一
七言律詩

書卷木落空山奏管絃魚市有租堪載酒橘官無
俸且高眠莫愁一夜西牕雨笠澤烟波好放船

過甫里謁願公因遇雲門具和尚

晴湖百頃寺門橋梵唱魚龍影動搖三要宗風標

漢月具公之師同
論三玄三要四明春雪送江湖具公
越人高原落

木天邊斷獨夜寒鐘句裏銷布襪青鞋故山去扁

舟蘆荻冷蕭蕭時應佛日
請將行

代具師答贈

微言將絕在江南一杖穿雲過石龕早得此賢開

講席便圖作佛住精藍松枝豎義無人會貝葉翻
經好共參塵尾執來三十載相逢誰似使君談

與友人譚遺事

曾侍驪山清道塵六師講武小平津雲旄大纛星
辰動天策中權虎豹陳一自羽書飛紫塞長教鉦
鼓恨黃巾孤臣流涕青門外徒使田橫客笑人

追悼

秋風蕭索響空幃酒醒更殘淚滿衣辛苦共嘗偏
早去亂離知否得同歸君親有媿吾還在生死無

梅村集十一

七言律詩
六

端事總非最是傷心看穉女一窓燈火照鳴機

謁范少伯祠

在金明寺中有陶
朱公里四字碑

臧棹滄江學釣魚五湖何必計然書山川禹穴思
文種烽火胥臺弔伍胥浪擲紅顏終是恨拜辭烏
喙待何如却嗟愛子猶難免霸越平吳事總虛

題登封兩烈婦井梧遺恨詩

焦太僕孫婦
楊氏牛氏

少室山頭二女峰斷猿哀雁暮雲重早題蘚石留
貞史却寫椒漿事禮宗恨血千年埋慘澹寒泉三
尺照從容碧梧夜落秋堦冷環珮歸來聽曉鐘

不備 鴛湖感舊

予曾過吳來之竹亭湖墅出家樂張飲後
來之以事見法重游感賦此詩

落日晴湖放楫迴故人曾此共登臺風流頓盡溪
山改富貴何常簫管哀燕去妓堂荒蔓合雨侵鈴
閣野棠開停橈却望烟深處記得當年載酒來

武林謁同門張石平

河南人官糧儲觀察

湖山曉日鳴笳吹楊柳春風駐羽幢二室才名官
萬石兩河財賦導三江舊游笑我連珠勒多難逢

梅村集十一

七言律詩

君倒玉缸十載弟兄無限意夜深聽雨話西牕

登數峰閣禮浙中死事六君子

鴻寶倪公若柯凌公巢軒

周公四名施公磊齋吳公賓日陳公

四山風惡萬松秋遺廟西冷枕碧流故國衣冠懷
舊友孤忠日月表層樓赤虹鋤血埋燕市白馬銀
濤走越州盛事若修陪祀典漢家園寢在昭丘

陳青雷以半圃索題走筆戲贈

半間茅屋半牀書半賦閑游半索居領略溪山應
不盡平分風月復何如黠癡互有纔忘世廉讓中

間好結廬自是圖全非易事與君隨意狎樵漁

題西泠閨詠

并序

石城下君者系出田居隱借蠶室巖子著
同聲之賦玄文詠嬌女之篇辭旨幽閑才
情明慧寫柔思於却扇選麗句以當窻足
使蘇蕙扶輪左芬失步矣故里秦淮早駕
木蘭之楫僑居明聖重來油壁之車風景
依然湖山非故趙明誠金石之錄卷軸亡
存蔡中郎壘臼之詞紙筆猶在予覽其篇

梅村集十一

七言律詩
八

什擷彼風華體寄七言詩成四律愧非劉
柳聞白雪之歌謬學徐陵敘玉臺之咏云

爾

落日輕風雁影斜蜀牋書字報秦嘉絳紗弟子稱
都講碧玉才人本內家神女新詞填杜若如來半
偈繡蓮花粧成小閣熏香坐不向城南鬪鈿車

其二

晴樓初日照芙蕖姑射仙人賦子虛紫府高閑詩
博士青山遺逸女尚書賣珠補屋花應滿刻燭成

篇錦不如自寫雜神題小像一簾秋水鏡湖居

其三

五銖衣怯鳳皇雛珠玉爲心冰雪膚綠屨侍兒春
被禊紅牙小妹夜擣菹璫日暖櫻桃賦粉筆風
輕蛺蝶圖頻斂翠蛾人不識自將書札問麻姑

其四

石城楊柳碧城彎謝女詩篇張女彈鸚鵡歌調銀
管細琅玕字刻玉釵寒雙聲宛轉連珠格八體濃
織倒薤看閒整筆牀攤素卷棠梨花發倚闌干

梅村集十一

七言律詩
九

海市四首

次張石平
觀察韻

仙人太乙祀東萊不信蓬瀛此地開虹跨斷崖通
羽蓋魚吞倒影出樓臺碧城烟合青葱樹赤岸霞
蒸絳雪堆聞道秦皇近南幸舳艫千里射蛟回

其二

灑氣空濛萬象來非烟非霧化人裁仙家困爲休
糧閉河伯宮因娶婦開金馬衣冠蒼水使石鯨風
雨濯龍臺鑿空博望頻回首天漢乘槎未易才

其三

東南天地望中收
神鬼蒼茫百尺樓
秦時長松移絕島
梁園脩竹隱滄洲
雲如車蓋旌旗繞
峰近香爐烟靄浮
却笑燕齊迂怪士
祇知碣石有丹丘

其四

激浪崩雲壓五湖
天風吹斷海城孤
千門聽擊馮夷鼓
六博看投玉女壺
蒲類草荒春徙帳
滄溟月冷夜探珠
誰知曼衍魚龍戲
翠蓋金支滿具區

別丁飛濤兄弟

把君詩卷過扁舟
置酒離亭感舊游
三陸雲間空

梅村集十一

北宮律詩

想像二丁鄴下自風流
湖山意氣歸詞苑
兄弟文章入選樓
爲道故人相送遠
藕花蕭瑟野塘秋

贈馮子淵總戎

令公專閫擁旌旄
鸚鵡秋風賜錦袍
十二銀箏歌芍藥
三千練甲醉葡萄
若耶溪劍凝寒水
秦望樓船壓怒濤
自是相門雙戟重
野王父子行能高

丁亥之秋王烟客招予西田賞菊踰月蒼雪

師亦至今年予旣卧病同游者多以事阻追

叙舊約爲之慨然因賦此詩

露白霜高九月天
匡林臥疾憶西田
黃雞紫蟹堪
攜酒紅樹青山好
放船秔稻將登農
父喜菜萁編
插故人憐舊游
多病難重省
記別蒼公又二年

友人齋說餅

舍北溪南樹影斜
主人留客醉黃花
水洩非用淘
槐葉蜜餌寧關煮
蕨芽閣老膏環常
對酒徵君寒
具好烹茶食經二
事皆堪註休說公
羊賣餅家

贈李峩居御史

督學江南

中條山色絳帷開
宛雒春風桃李栽
地近石經緣

梅村集十一

七言律詩
十一

虎觀家傳漆簡本
蘭臺花飛驛路生
徒滿潮落江
城鐘磬來置酒
一帆黃浦月登臨
早訪陸機才

具次穆大苑先卧病桐廬初歸喜贈

富春山下趁歸風
客病孤舟夜雨中
千里故園惟
舊友十年同學半
衰翁藥爐媿我形
容稿腹尺輪
君飲噉工却向清
秋共消損一尊無
恙笑顏紅

壽陸孟鳧七十

楓葉蘆花霜滿林
江湖蕭瑟鬢毛侵
書生藤峽功
名薄漁父桃源歲
月深入市蹇驢晨
賣藥閉門殘

酒夜橫琴舊游烽火天涯夢銅鼓山高急暮砧陸

潯州司李勝映在潯州嘗熟有桃源澗

其二

講授山泉遶戶庭
芋翁無事為中冷
偶支鶴俸分魚俸
閒點茶經補水經
千里程鄉浮大白
一官勾漏養空青
歸來松菊荒涼甚
買得雙峰縛草亭

壽申少司農青門六十白雲數買山向公

相門三戟勝通侯
兄弟衣冠盡貴游
白下高名推謝眺
黃初耆德重楊彪
千山極日風塵暗
一老狂

梅村集十一七言律詩

歌天地秋還憶淮淝
開制府江聲吹角古揚州

其二

脫却朝衫上釣船
餘生投老白雲邊
買山向乞分司俸
餉客還存博士錢
世事烟霞娛晚歲
黨人名字付殘編
扁舟百斛烏程酒
散髮江湖任醉眠

宴孫孝若山樓賦贈

千章喬木俯晴川
高閣登臨雨後天
明月笙歌紅燭院
春山書畫綠楊船
邴超好客真名士
蘇晉翻經正少年
最是風流揮玉麈
烟霞勝處着神仙

琴河感舊

并序

楓林霜信放棹琴河忽聞秦淮卞生蹇蹇
到白白下適逢紅葉余因客座偶話舊游
主人命犢車以迎來持羽觴而待至停驂
初報傳語更衣已託病店遷延不出知其
憔悴自傷亦將委身於人矣予本恨人傷
心往事江頭燕子舊壘都非山上藤蕪故
人安在久絕鉛華之夢况當搖落之辰相
遇則唯看楊柳我亦何堪爲別已屢見櫻
桃君還未嫁聽琵琶而不響隔團扇以猶
憐能無杜秋之感江州之泣也漫賦四章
以誌其事

白門楊柳好藏鴉誰道扁舟蕩槳斜金屋雲深吾
谷樹玉杯春暖尚湖花見來學避低團扇近處疑
噴響鈿車却悔石城吹笛夜青驄容易別盧家

其二

油壁迎來是舊游尊前不出背花愁綠知薄倖逢
應恨恰便多情喚却羞故向閑人偷玉筋浪傳好

語到銀鉤五陵年少催歸去隔斷紅墻十二樓

其三

休將消息恨層城猶有羅敷未嫁情車過捲簾勞
悵望夢來攜袖費逢迎青山憔悴卿憐我紅粉飄
零我憶卿記得橫塘秋夜好玉釵恩重是前生

其四

長向東風問回蘭玉人微嘆倚闌干乍拋錦瑟描
難就小疊瓊牋墨未乾弱葉懶舒添午倦嫩芽嬌
染怯春寒書成粉箋憑誰寄多恐蕭郎不忍看

梅村集十一

七言律詩
十四

辛卯元旦試筆

除夕再
夢杏花

十年車馬盛長安仙仗傳籌曙色寒禁苑名花開
萬樹上林奇果賜千官春風紫燕低飛入曉日青
驄緩轡看舊事已非還入夢回圖金粉碧闌干

雜感

聞說朝廷罷上都中原民困尚難蘇雪深六月天
圍塞雨漲千村地入湖瀚海波濤飛戰艦禁城宮
闕起浮圖關山到處愁征調願賜三軍所過租

其二

簫鼓中流進奉船。司空停索導行錢。八蠶名繭盤
花就千緝。奇文舞鳳旋。袴褶射雕砂。磧塞筐箱市。
馬玉門邊秋風砧。杵催刀尺江左無衣已七年。

其三

居庸千尺薊門低。八部雲屯散馬蹄。日表土中通
極北河源。天上接安西。金城將吏耕黃犢。玉壘山
川祭碧雞。世會適逢須粉飾。十年辛苦厭征鼙。

其四

急峽天風捲怒濤。穿雲棧石度秋毫。雞豚絕壁人

梅村集十一 七言律詩
十五

烟少珠玉空江鬼。哭高縱火千村驅草木。齋糧百
日棄弓刀。綿州却報傳烽緊。峒戶溪丁轉戰勞。

其五

武安席上見雙鬟。血淚青娥陷賊還。只爲君親來
故國。不因女子下雄關。取兵遼海哥舒翰。得婦江
南謝阿蠻。快馬健兒無限恨。天教紅粉定燕山。

其六

萬里從王擁節旄。通侯青史姓名高。禁垣遺直看
封事。絕徼孤忠誓佩刀。元祐黨碑藏北寺。辟疆山

聖記東臯歸來畊石堂前夢書画平生結聚勞

題王端士北歸草

讀罷新詩萬感興夜深挑盡草堂燈
玉河嗚咽聞嘶馬金殿淒涼見按鷹
南內舊人逢庾信北朝文士識崔陵
寒驢風雪蘆溝道一慟昭陵恨未能

贈糧儲道步公

乾州人

臨湘家世擁旌旄策馬西來劍珮高
華嶽風雲開間氣乾陵草木壯神臯
山公盡職封章切蕭相憂時饋運勞
青史通侯餘事在江南重見舊人豪

梅村集十一

七言律詩
十六

梅村集卷第十二

七言律詩二

題鴛湖閨詠

石州螺黛點新粧，小拂烏絲字幾行。
粉本留香泥蛺蝶，錦囊添線繡鴛鴦。
秋風擣素描長卷，春日鳴箏製短章。
江夏只今標藝苑，無雙才子掃眉娘。

其二

休言金屋貯神仙，獨掩羅裙淚泫然。
粟里縱無歸隱計，鹿門猶有賣文錢。
女兒浦口堪同住，新婦磯

梅村集十二

七言律詩

頭擬種田夫，婿長揚須執戟。不知世有杜樊川。

其三

絳雲樓閣敞空虛，女伴相依共索居。
學士每傳青鳥使，蕭娘同步紫鸞車。
新詞折柳還應就，舊事焚魚總不如。
記向馬融譚漢史，江南淪落老尚書。

其四

誰吟紈扇繼詞壇，白下相逢哭綵鸞。
才比左芬年更少，婿求韓重遇應難。
玉顏屢見鶯花度，翠袖須愁烟雨寒。
往事只看予薄命，致書知己到長干。

補禊

壬辰上巳蔣亭彥篆鴻陸我謀於鴛湖禊

飲余後三日始至同集有道開師朱子容

沈孟陽徵詩以補禊事余分得知字

春風好景定昆池散誕天涯却誤期
溱洧漫攀芳杜晚雒濱須泛羽觴
遲右軍此會仍堪記白傅重游共阿誰
故事禊堂看賜柳年來無復侍臣知

過朱買臣墓

在嘉興東塔雷音閣後卽廣廡講院

翁子窮經自不貧會稽連守拜爲真是非難免三

梅村集十一

七言律詩

長史富貴徒誇一婦人小吏張湯看踞傲故交莊
助嘆沉淪行年五十功名晚何似空山長負薪

題朱子葵鶴洲草堂

別業堂成綠野邊養雛丹頂已千年仙人收箭雲
歸浦道士開籠月滿天竹下縞衣三徑石雪中清
嘖五湖田裴公舊宅松陰在不數孤山夜放船

題孫銘常畫蘭

誰將尺幅寫瀟湘窮谷無人吹氣香斜筆點芋依
蘼石雙鈎分葉傍篋管謝家樹好臨芳砌鄭女花

堪照洞房我欲援琴歌九畹江潭搖落起微霜

送林衡者歸闕

五月關山樹影圓送君吹笛柳陰船征途鷓鴣愁
中雨故國桄榔夢裏天夾漈草荒書滿屋連江人
去雁飛田無諸臺上休南望海色秋風又一年

送文學博以蒼公招同住中峰寺

二公皆雲南人

西風驅雁暮雲哀頭白衝寒到講臺莫問關關應
路斷偶傳消息又兵來一峰對月茅菴在二老論
心石壁開揀取梅花枝上信明年移向故園栽

梅村集

十二
七言律詩

鄧元昭奉使江右相遇吳門却贈

五湖春草隱征筇画舫圖書泊晚沙人謂相如初
奉使客傳高密且還家黑貂對雪潯陽樹綠酒看
山茂苑花回首石渠應賜馬玉河從獵雁行斜

雪夜苑先齋中飲博達旦

扶杖衝泥逐少年解衣箕踞酒爐邊愁燒絳蠟消
千卷愛把青樽擲萬錢痛飲不甘辭久病狂呼却
笑勝高眠丈夫失意須潦倒劇孟平生絕可憐

相逢縱博且開顏，興極歡呼不肯還。別緒幾年當此夜，狂名明日滿人間。松牕燭影花前酒，草閣雞聲雪裏山。殘臆豈妨吾作樂，儘教遊戲一生閑。

癸巳春日禊飲社集虎丘卽事

楊柳絲絲逼禁烟，筆牀書卷五湖船。青溪勝集仍遺老，白裕高談盡少年。筍屐鶯花看士女，羽觴冠蓋會神仙。茂先往事風流在，重過蘭亭意惘然。

其二

蘭臺家世本貽謀，高會南皮話昔游。執友淪亡驚

梅村集十二

七言律詩
四

歲月諸郎才調擅，風流十年故國傷。青史四海新知笑，白頭脩禊只今添。俯仰北風杯酒醉，營丘

其三

訪友扁舟挂席輕，梨花吹雨五茸城。文章興廢關時代，兄弟飄零爲甲兵。茂苑聽鶯春社飲，華亭聞鶴故園情。衆中誰識陳驚座，顧陸相看是老成。

其四

絳帷當日重長楊，都講還開舊草堂。少弟詩篇標赤幟，故人才筆繼青箱。抽毫共集梁園製，布席爭

飛曲水鷓近得廬陵書信否寄懷子美在滄浪
投贈督府馬公

伏波家世本專征
画角油幢細柳營
上相始典開北府
通侯高密鎮西京
江山傳箭旌旗色
賓客圍棋劔履聲
勞苦潯陽新駐節
舳艫今喜下湓城

其二

十年重到石城頭
細雨孤帆載客愁
累檄久應趨幕府
扁舟今始識君侯
青山舊業安常稅
白髮衰親畏遠游
慚媿推賢肅相國
邵平只合守瓜丘

梅村集十二

七言律詩
五

自嘆

誤盡平生是一官
棄家容易變名難
松筠敢厭風霜苦
魚鳥猶思天地寬
鼓枻有心逃甫里
推車何事出長干
旁人休笑陶弘景
神武當年早掛冠

登上方橋有感

橋時新修極雄壯望見天壇崩圮盡矣

石梁天際偃長壕
勢壓魚龍敢遁逃
壯麗氣開浮廣術
虛無根削挿崩濤
秋騰萬馬鞭梢整
日出千軍輓餉勞
回首泰壇鐘磬遠
江流空繞斷垣高

鍾山

王氣消沉石子岡放鷹調馬蔣陵殉金棺移塔思

原廟

金棺爲誌公在雞鳴寺

玉匣藏衣記奉常

太常有高廟衣冠

楊

柳重栽馳道改櫻桃莫薦寢園荒

時當四月

聖公沒後

無坏土姑孰江聲空夕陽

臺城

形勝當年百戰收子孫容易失神州金川事去家
還在玉樹歌殘恨未休徐鄧功勳誰甲第方黃骸
骨總荒丘可憐一片秦淮月曾炤降幡出石頭

國學

梅村集十二

七言律詩六

松柏曾垂講院陰後湖烟雨記登臨桓榮空有窮
經志伏挺徒增感遇心四庫圖書勞訪問六堂絃
管聽銷沉白頭博士重來到極目蕭條淚滿襟

觀象臺

候日觀雲倚碧空一朝零落黍離同昔聞石鼓移

天上

元移石鼓于大都

今見銅壺沒地中黃道只看標北

極赤烏還復紀東風郭公枉自師周髀千尺荒臺

等廢宮

渾儀郭守敬所造

雞鳴寺

雞鳴寺接講臺基扶杖重游涕淚垂學舍有人鋤
野菜僧寮無主長棠梨雷何舊席今安在支許同
叅更阿誰惟有誌公留布帽 高皇遺筆讀殘碑
寺壁有石刻 高廟
御筆題贊誌公像

功臣廟

畫壁精靈間氣豪鄂公羽箭衛公刀丹青賜額豐
碑壯祭戟傳家甲第高鹿走三山爭楚漢雞鳴十
廟失蕭曹英雄轉戰當年事采石悲風起怒濤

玄武湖

梅村集十二

七言律詩
七

覆舟西望接陂陀千頃澄潭長綠莎六代樓船供
士女百年版籍重山河

湖置黃冊庫
禁人游玩

平川豈習昆

明戰禁地須通太液波烟水不關興廢感夕陽聞

已唱漁歌

時已有漁舟非
復昔日之禁矣

秣陵口號

車馬垂楊十字街河橋燈火舊秦淮放衙非復通

侯第

中山賜宅
改作公署

廢圃誰知博士齋易餅市傍王殿

瓦換魚江上

孝陵柴無端射取原頭鹿收得長

長生苑內脾

無題

繫艇垂楊映綠潯玉人湘管画簾深千絲碧藕玲瓏腕一卷芭蕉展轉心題罷紅牕歌緩緩聽來青鳥信沉沉天邊恰有黃姑恨吹入蕭郎此夜吟

其二

到處鶯花画舫輕相逢只作看山行鏡因硯近螺頻換書爲香多蠹不成媿我白頭無冶習讓君紅粉有詩名飛瓊漫道人間識一夜天風返碧城

其三

梅村集十二

七言律詩
八

錯認微之共牧之誤他舉舉與師師疎狂詩酒隨同伴細膩風光異舊時画裏綠楊堪贈別曲中紅豆是相思年華老大心情減辜負蕭娘數首詩

其四

鈿雀金蟬籠臂紗鬧糝初不鬪鉛華藏鉤酒向劉郎賭刻燭詩從謝女誇天上異香須有種春來飛絮恨無家東風燕子知多少珍重雕闌白玉花

百草堂觀劇

肯將游俠誤躬畊愛客村居不入城亭占綠疇朝

置酒船移紅燭夜鳴箏金蠶斫鱸霜螯美玉粒呼
鷹雪爪輕主人好獵却話少年逢社飲季心然諾是平
生

送李秀州擢寧紹道

楊柳春風起郡樓故人嚴助昔同游烟霞到處推
仙吏棨戟今看冠列侯長水圖書移遠棹大雷笳
鼓對清秋閱兵海上應西望秦駐山高卽秀州

周櫟園有墨癖嘗蓄墨萬種歲除以酒澆之
作祭墨詩友人王紫崖話其事漫賦二律

梅村集十二

七言律詩
九

含香詞賦擲金聲家住立都對管城萬笏雅應推
正直一囊聊復貯縱橫藏雖黯澹終能守用任欹
斜自不平磨耗年光心力短只因耽誤褚先生

其二

山齋清玩富琳琅似壁如圭萬墨莊口啜飲同高
士癖頭濡書類酒人狂但逢知己隨濃澹若論交
情耐久長不用黃金費裝裹伴他銅雀近周郎

贈陽羨陳定生

溪山罨画好歸畊櫻笋琴書足性情茶有一經真

處士橋無干絹舊清卿

故御史大夫子

知交東冶傳鉤黨

子弟南皮負盛名却話宋中登望遠天涯風雨得

侯生

定生借侯朝宗在南中幾及鉤黨禍侯生歸德人

江樓別幼弟孚令

野色滄江思不窮登臨傑閣倚虛空雲山兩岸傷
心裏雨雪孤城淚眼中病後生涯同落水亂來身
計逐飄蓬天涯兄弟分攜苦明日扁舟聽曉風

揚州

疊鼓鳴笳發棹謳榜人高唱廣陵秋官河楊柳誰

梅村集十二

七言律詩

新種御苑鶯花豈舊游十載西風空白骨甘橋明
月自朱樓南朝枉作迎鑾鎮難博雷塘土一丘

其二

野哭江村百感生鬪雞臺憶漢家營將軍甲第橐
弓臥丞相中原拜表行白面談邊多入幕赤眉求
印却翻城當時只有黃公覆西上徧隨阮步兵

其三

盡領通侯位上卿三分淮蔡各專征東來處仲無
他志北去深源有盛名江左衣冠先解體京西豪

傑竟投兵只今八月觀濤處浪打新塘戰鼓聲

其四

撥盡琵琶馬上絃玉鉤斜畔泣嬋娟紫駝人去瓊
花院青塚魂歸錦纜船荳蔻梢頭春十二茱萸灣
口路三千隋堤壁月珠簾夢小杜曾游記昔年

過維揚弔衛少司馬紫岫

衛韓城人與余同年同官後以少司

馬死揚

州難

画省連床止論文天涯書劍忽離羣非關衛瓘需

開府欲下高昂在護軍

高杰秦人朝議以紫岫同鄉拜兵部侍郎典其軍事

梅村集十二

七言律詩

葬骨九原江上月思家百口隴頭雲故人搖落刊

溝暮爲酌椒漿一慟君

過淮陰有感

落木淮南雁影高孤城殘日亂蓬蒿天邊故舊愁
聞笛市上兒童笑帶刃世事真成反招隱吾徒何
處續離騷昔人一飯猶思報廿載恩深感二毛

其二

登高悵望八公山琪樹丹崖未可攀莫想陰符遇
黃石好將鴻寶駐朱顏浮生所欠止一死塵世無

縣識九還我本淮王舊雞犬不隨仙去落人間
贈淮撫沈公清遠

秋風杖節賜金貂高會嚴更響麗譙去國丁年遼
海月還家甲第浙江潮書生禮樂修玄雁諸將弓
刀掣皂鷗最是東南資轉餉功成蕭相未央朝

淮上贈嵇叔子

湖海相逢一俊英風流中散舊家聲琴因調古須
防怨詩爲才多莫近名濁酒如淮歌慷慨蒼髯似
戟論縱橫慚余亦與山公札抱病推遷累養生

梅村集十二

七言律詩

過宿遷極樂菴明日晤陸紫霞年兄話舊有感

同時知已曲江游縱酒高歌玉腕騮黃葉渾隨諸
子散白頭猶幸故人留雲堂下榻逢僧飯雪夜聽
鐘待客舟如此衝寒綠底事相逢無計訴離愁

白鹿湖陸墩詩

在宿遷縣東爲紫霞年兄避兵處

招提東望柳堤深雁浦魚莊買棹尋墩似謝公堪
賭墅湖如賀監早抽簪雲遮老屋容君卧月落空
潭照此心百頃荷花千尺水夜涼兄弟好披襟

自信

自信平生懶是真底須辛苦踏春塵每逢墟落愁
戎馬却聽風濤話鬼神濁酒一杯今夜醉好花明
日故園春長安冠蓋知多少頭白江湖放散人

新河夜泊

百尺荒岡十里津夜寒微雨溼荆榛非關城郭炊
烟少自是河山戰鼓頻倦客似歸因望樹遠天如
夢不逢人扁舟蕭瑟知無計獨倚篷牕暗愴神

將至京師寄當事諸老

梅村集十二

七言律詩
十二

樵
柴門秋色草蕭蕭幕府驚傳折簡招敢向烟霞堅
笑傲却貪畊鑿久逍遙楊彪病後稱遺老周黨歸
來話 聖朝自是 璽書脩盛舉此身只合伴漁

其二

莫嗟野老倦沉淪領略青山未是貧一自弓旌來
退谷苦將行李累衰親田因買馬頻書券屋爲牽
船少結鄰今日巢由車下拜淒涼詩卷乞閒身

其三

匹馬天街對落暉蕭條白髮悵誰依北門待詔賓
朋盛東觀趨又朝故舊稀雪滿關河書未到月斜
宮闕雁還飛赤松本是留侯志早放商山四老歸
其四
平生蹤跡儘繇天世事浮名總棄捐不召豈能逃
聖代無官敢卽傲高眠匹夫志在何難奪只君相
恩深自見憐記送鐵崖詩句好白衣宜至白衣還
讀友人舊題走馬詩于郵壁漫次其韻

數卷殘編兩石弓書生搖筆壯懷空南朝子弟誇

梅村集十二

七言律詩
十四

諸將北固軍營畏阿童江上化龍圖割據國中指
鹿詫成功可憐曹霸丹青手銜策無人付朔風

其二

君是黃驄最少年驂騑凋喪使人憐當時只望勳
名貴後日誰知書画傳十載鹽車悲道路一朝天
馬蹴風烟軍書已報韓擒虎夜半新林早着鞭

過鄭州

馬滑霜蹄路又長鴉鳴殘雪古城荒河水雨入車
難過野岸沙崩樹半偃邢邵文章埋斷碣公孫樓

樽付斜陽只留村酒雞豚社香火年年賽藥土

梅村集十二

七言律詩
十五

梅村集卷第十二

終

梅村集卷第十三

七言律詩三

恭紀

聖駕幸南海子遇雪大獵

君王羽獵近長安龍雀刀鏐七寶鞍立馬山川千

騎擁賜錢父老萬人看

賑

霜林白鹿開金彈春酒

黃羊進玉盤不向回中逢大雪無因知道外邊寒

聞撤織造志喜

春日柔桑士女歌東南抒軸待如何千金織綺花

梅村集十三

七言律詩

成市萬歲迴文月滿梭恩詔只今憐赤子貢船從

此罷黃河尚方玉帛年來盛早見西川濯錦多

上駐驛南苑閱武行蒐禮召廷臣恭視賜宴行宮

賦五七言律詩五七言絕句每體一首應

制

露臺吹角九天聞射獵黃山散馬群練甲曉懸千

鏡日翠旗晴轉一鞭雲奇鷹出架雕弓動新鬼登

盤玉饌分最是小臣慚獻賦屬車叨奉羽林軍

送無錫堵伊令之官歷城

攬轡朱輪起壯圖遺民喜得管夷吾城荒戶少三
男子名重人看五大夫画就烟雲連泰岱詩成書
札滿江湖茶經水傳平生事第二泉如趵突無

元夕

諸王花萼奉宸游清路千門照夜蹕長信玉杯簪
戴勝昭陽銀燭擘筵篔簹傳柑曲裏啼鶯到爆竹光
中戰馬收却憶征南人望月金閨燈火別離愁

讀魏石生懷古詩

長安雪後客心孤画省論文折簡呼家近叢臺推

梅村集十三

七言律詩
二

意氣山開全趙見平蕪憂時危論書千卷懷古高
歌酒百壺自是漢廷真諫議蕭王陌上賦東都

送永城吳令之任

春風驛樹早聞鶯馬過梁園候吏迎山縣尹來三
月雨人家兵後十年畊鴉啼粉堞河依岸草沒旗
亭路入城曾見官軍收賊壘時清今已重儒生

送安慶朱司李之任

到官春水画橈輕天柱峰高卽郡城百里殘黎半
商賈十年同榜盡公卿雞豚塲壁山中稅鼓角帆

檣江上兵亂後莫言無吏治此方朱邑最知名

送彥遠南還河渚

匹馬春風返故林
松杉書屋晝陰陰
猿愁客倦晨
投果鶴喜人歸
夜聽琴
我有田廬難共隱
君今朋
友獨何心
還家早便更名姓
只恐青山尚未深

江上

鐵馬新林戰鼓休
十年軍府笑諮謀
但虞莊躡爭
南郡不信孫恩到
蔡州江過濡須誰築壘
潮通滬
瀆在今上海
總安流
蘆花一夜西風起
兩點金焦萬里

梅村集十三

七言律詩

愁

送顧蒨來典試東粵

客路梅花嶺外飄
江山才調屬車招
石成文字兵
須定珠出風雷瘴
自消使者千旌開
五管諸生禮
樂化三苗憑君寄語
征南將誰勒
炎天銅柱標

送李書雲蔡闔培典試西川

柳陌征衫錦帶鉤
詔書西去馬卿游
棧縈秦嶺
千盤細水落巴江
萬里流兵火
才人羈旅合山川
奇字亂離搜莫愁
沃野猶難問
取得揚雄勝益州

送山東耿中丞青藜

三經持節領諸侯好時家風指顧收岱頂磨崖看
出日海邊吹角對清秋幕中壯士爭超距稷下高
賢共唱酬北道主人東郡守丹青剖策本營丘
送友人之淮安管餉

高牙鼓角雁飛天佑舶千帆落照懸使者自徵滄
海粟將軍輒費水衡錢中原河患魚龍窟江左官
租稷稻年聞道故鄉烽火急淮南幾日下樓船
送隴右道吳贊皇之任

梅村集十三

七言律詩
四

笳鼓千人度隴頭使君斜控紫驂騶城高赤坂魚
鹽塞日落黃河鳥鼠秋移檄北庭收屬國關兵西
海取封侯請傾百斛葡萄酒玉笛關山緩帶游

恭遇

聖節次安丘劉相國韻

興慶樓前捧玉觴金張岐薛儼分行龍生大漠雲
方起河出崑崙崙日正長節過放燈開禁苑春將射
柳幸平陽燕公上壽天顏喜親定甘泉賜宴章

朝日壇

次韻

曉日瞳矐萬象鋪六龍銜燭下平蕪石壇燿火燔
玄牡露掌華漿飲渴鳥不夜城傳宣夜漏王宮朝
奉竹官符卽今東汜西岷處盡入銅壺倒景殊

李退菴侍御奉使湖南從兵間探衡山洞壑
諸勝歸省還吳詩以送之

一官之楚復游燕歸去還乘笠澤船戎馬千山尋

洞壑鶯花三月美神仙路穿江底聞雞犬家在湖

中接水天侍御吾吳洞庭人不似少陵長作客祝融峰下

住年年

梅村集十三

七言律詩
五

得蒲州道嚴方公信却寄

西風對酒夢魂勞聞道蒲津着錦袍山遶塞垣長
坂峻河分天地斷崖高登樓楚客看雲樹隔岸秦
人拜節旄回首舊游飛雁遠書來嚴助問枚臯

送趙友沂下第南歸

秋風匹馬試登臨此日能無感慨心趙氏只應完
白壁燕臺今已重黃金鄉關兵火傷王粲京國才
名識杜欽最是淮南遇搖落相思千里暮雲深

懷王奉常烟客

把君詩卷問南鴻
憔悴看成六十翁
老去祇應添鬢雪
愁來那得愈頭風
田園蕪沒支筇懶
書回蕭條隱几空
猶喜梅花開遶屋
臘醅初熟草堂中

送友人從軍閩中

客中書劍愴離羣
貫酒新豐一送君
絕嶠烽烟看草檄
高齋風雨記論文
中宵清角猿啼月
百道飛泉馬入雲
詔諭諸侯同伐越
可知勞苦有終軍

其二

平生不識李輕車
被 詔揮鞭白鼻騮
簫鼓濟江

梅村集十三

七言律詩
六

催落木旌旗衝雪冷
梅花胡床對客招
虞寄羽扇麾軍逐
呂嘉自是風流新
制府王孫何事苦
思家

紀事

鄂杜山南起直廬
從禽載筆有相如
秋風講武臨熊館
乙夜橫經勝石渠
七萃車徒堪討習
百家圖史可佃漁
上林獸簿何曾問
叩馬無煩諫獵書

送汪均萬南歸

扁舟春草五湖寬
歸去醱醪架未殘
撥刺錦鱗初上筴
團枝珠寶已堆盤
癭瓢量水僧燒筍
拳石分

泥客買蘭四月山塘風景好知君端不憶長安

壽座師李太虛先生

放懷天地總浮鷗客裏風光爛熳收一斗濁醪還
太白二分明月屬揚州錦箏士女觴飛夜鐵笛關
山劍舞秋猶有壯心消未得欲從何處訪丹丘

其二

好客從無二頃田勝游隨地記平泉解衣白日消
碁局岸幘青山入釣船故國風塵驚晚歲天涯歌
舞惜流年篋中別有龍沙記不許傍人喚謫仙

梅村集十三

七言律詩
七

其三

讀易看山愛息機閉門芳草雁還飛江湖有夢爭
南幸滄海無家記北歸烟水一竿思舊隱兵戈十
口出重圍杜陵豈少安危志老大飄零感布衣

其四

廬頂談經破碧苔十年不到首重回風清鐘鼓吳
山出雲黑帆檣楚雨來痛飲長江看自注異書絕
壁訪應開芒鞋歸去身差健白鹿諸生掃講臺

寄房師周芮公先生

并序

偉業以庚午受知於晉江周芮公師進謁
潤州官舍維時上流無恙京口晏然吾師
以陸生入雒之年弟子亦終軍棄繻之歲
南徐月夜北固江聲揮塵論文登樓置酒
笑譚甚適賓從皆賢已而入主銓衡地當
清切周旋禁近提挈聲華拜別河梁十有
八載滄桑兵火萬事都非偉業負耒躬畊
誓終沒齒不謂推遷塵事潦倒浮生病苦
窮愁羈縻煎迫師以同徵獨得不至方推

梅村集十三

七言律詩
八

周黨共羨管寧而家居窮海身受重圍羽
檄時聞音塵莫及雖然江南近信已泊樓
船京峴舊游皆非樂土何必無諸臺上始
接烽烟歐冶城邊纔開壁壘也既知援師
南下山郡依然鄭樵居第可保圖書楊僕
軍營惟聞笳吹欣故人之杖屨致遠道之
郵筒爰作短章聊存微尚抒平生於慷慨
寫盡日之羈愁庶幾同經喪亂識此襟情

雖隔山川無殊會面云爾

惆悵平生負所知尺書難到雁來遲
桃榔月暗嚴城閉鷓鴣風高画角悲
湖裏逢仙占昔夢洞中遇叟看殘
碁脫身衰白干戈際筍屐尋山話後
則

其二

北府風流坐嘯清蕭郎白恰愛將迎
蒜山望斷江干月荔浦愁看海上城
劉寄關河雖險塞盧循樓

艦正縱橫莫嫌戰鼓鄉闈急瓜步年
來已用兵

晉江

黃東崖先生和予此詩中一聯曰徵書鄭重眠
食損法曲淒涼涕淚橫知己之言讀之感歎

其三

梅村集十三

七言律詩
九

但若盤桓便見妝

詔書趨迫敢淹留始知處士

青門里須傍仙人白石樓晉室衣冠依嶺嶠越王

刀劍閉林丘少微却炤雨天遠榕樹峰高隱故侯

其四

白鶴青猿叫晚風苦將身世訴飄蓬
千灘水惡盤渦險九曲雲迷絕磴空
廣武登臨狂阮籍承明寂寞老揚雄
巨源舊日稱知己誤玷名賢啓事中

卽事

夾城朝日漸臺風玉樹青葱起桂宮

時乾清宮成

謁者

北衙新掌節

初設內監

郎官西府舊乘驄

新選部郎爲巡方

叔

孫禮在終應復蕭相功成固不同百戰可憐諸將帥幾人高會未央中

其二

六龍初幸睍鸞臺千騎從官帳殿開南苑車聲穿碧柳西山馳道夾青槐緡書夜半移燈召教射樓頭走馬來聞道上林親試士卽今誰是長卿才

其三

元僚白髮領槐廳風度須看似九齡疏乞江湖陳

梅村集十三

七言律詩

老病詔傳容貌寫丹青

曹村相公乞休不允畫其像賜之

從游

西苑花初放侍宴南臺酒半醒最是御書房下過賜茶清燕共談經

其四

列卿嚴譴赴三韓貫酒悲歌行路難妻子幾隨關外去都人爭擁路旁看樂浪有吏崔亭伯遼海無家管勿安盡說日南多瘴癘如君絕域是流官

其五

黃河東注出潼關本濟漕渠竟北還淮水獨流空

到海

淮水爲黃河所逼始于清口濟漕河去則淮竟入海此清江關所以涸也汴堤橫

嚙不逢山天心豈爲設主壁民力何堪棄草管瓠

子未成淇竹盡龍門遠掛白雲間

金龍口決用柳梢作土牛塞河

功竟不就悼兩河民力之盡也

其六

西山盜賊尚縱橫白晝畿南桴鼓鳴誰道盡提龍
武將翻教遠過闔閭城軍需苦給嫖姚騎節制難
逢僕射營斥堠但嚴三輔靖願消兵甲罷長征

其七

梅村集十三

七言律詩

新傳使者出皇都十道飛車算國租故事已除將
作監他年須尚執金吾主持朝論垂魚袋料理軍
書下虎符始信蕭曹務休息太平良策未全無

其八

柳營江上羽書傳白馬三郎被酒眠無意漫提歐
冶劍有心長放呂嘉船金錢北去緣求印鐵券南
來再控茲廟算只今勤遠略伏波橫海已經年

其九

秋盡黃陵對落暉長沙西去不能歸甘寧舊壘湖

初落陶侃新營樹幾圍五嶺烽烟城郭改三湘征
調吏人稀老臣裹革平生志往事傷心尚鐵衣

其十

巴山千丈擘雲根節使征西人劍門蜀相軍營猶

石壁漢高廟自江村

駐兵南鄭分關閬州
兩地皆有高祖廟

全家

故國空從難異姓真王獨拜恩回首十年成敗事
笛聲哀怨起黃昏

長安雜詠

玉泉秋散鼎湖龍世廟玄都闕御容絳節久銷

梅村集十三

七言律詩
十二

金竈火青詞長護石壇松運移梅福身難去道向
麻姑使未逢重過竹宮聞夜祭徐無仙客話乾封

其二

石門秋聳妙高臺慈聖金輪寺榜開龍苑樹荒香
界壞鹿園花盡塔鈴哀燈傳初地中峰變經過流
沙萬里來代有異人爲教出鳩摩天付不凡材

其三

鼓角鳴鞘下建章平明獵火照咸陽黃山走馬開
新埒青海求鷹出大荒奉饗羽生新宿衛帶刀行

炙舊名王侍臣獻賦思遺事指點先朝說豹房

其四

百戰關山馬槊高耻將階級鬪蕭曹兩河子弟能
談劍一矢入君王已賜袍此日大家親較武他時
年少定分茅功成老將無人識看取征南帶血刀
哭蒼雪法師

憶昔穿雲到上方飛泉夾路筍輿忙孤峰半榻霜
顛白清磬一聲山葉黃得道好窮詩正變觀心難
遣世興亡汰公塔在今同傳無着天親共影堂

次如

梅村集十三

七言律詩
十三

住華山與師爲法侶最
相得滅度已十六載矣

其二

說法中峰語句真滄桑閱盡剝閒身宗風實處都
成教慧業通來不礙塵白社老應空世相青山我
自哭詩人縱教落得江南夢萬樹梅花孰比鄰

送友人出塞

上書有意不忘君竄逐還將諫草焚
聖主起居當日慎小臣忠愛本風聞玉關信斷機中錦金谷
園空画裏雲塞馬一聲親舊哭馬支少婦欲從軍

卽事

擊鼓迎神太乙壇
越巫吐火舞珊珊
露臺月上調絲管
禁苑霜凋挾彈丸
赤驥似龍徠萬里
白鷹如雪致三韓
柏梁焚後宜春起
只有西山作舊看

送同官出牧

露掌明河玉漏寒
侍中出宰據征鞍
君王此日親除吏
臣子何心道換官
壯士驪山秋送戍
豪家渭曲夜探丸
扶風馮翊皆難治
努力諸公奏最看

寄周子叔中州

梅村集十三

七言律詩十四

聞道周郎數酒悲
中原極目更依誰
雲遮二室關山在
河奪三門風雨移
銅狄紀年何代恨
石經傳字幾人知
狂歌落日登臨罷
殘醉歸來信馬遲

懷古兼弔侯朝宗

河洛風烟萬里昏
百年心事向夷門
氣傾市俠收奇用
策動宮娥報舊恩
多見攝衣稱上客
幾人刎頸送王孫
死生總負侯嬴諾
欲滴椒漿淚滿樽

朝宗

歸德人貽書約終隱不出余爲世所逼有負夙諾故及之

送曹秋岳以少司農遷廣東左轄

江東才子漢平陽身歷三臺拜侍郎五管清秋懸
使節百蠻風靜據胡床珠官作貢通滄海象郡休
兵奉朔方早晚鄴侯能薦達鋒車好促舍人裝

其二

秋風匹馬尉佗城銅鼓西來正苦兵萬里虞翻空
遠宦十年楊僕自專征山連鳥道天應盡日落蠻
江浪未平此去好看宣室召漢皇前席問蒼生

其三

銅柱天南起暮笳蒼山不斷火雲遮羅浮客到花

梅村集十三

七言律詩
十五

爲夢庾嶺書來雁是家五月蠻村供白越千年仙
竇訪丹砂炎州百口堪同住莫遣閒愁感髻華

其四

懸瀑丹崖萬仞流越王臺上月輪秋江湖家在堪
回首京國人多獨倚樓海外文章龍變化日南風
俗鳥鞞輒知君此地登臨罷追憶平生話少游

送楊猶龍學士按察山西

碧山學士起嚴裝新把牙旌下太行玉塵開尊從
將吏銀毫判牒喜文章三關日落凝笳吹千騎風

流出射堂憶賜錦袍天上暖西游早拂雁門霜

其二

一天涼影散鳴珂落木平沙雁度河北地詩名三
輔少西風客思五原多紫貂被酒雲中火鐵笛迎
秋塞上歌回首禁城從獵處千山殘雪滿淖池

送王藉茅學士按察浙江

始典門第故人稀才子傳家典北扉画省日移花
更發御溝春過柳成圍江湖宦蹟飄蓬轉嵩少鄉
心旅雁飛重到冶城開戟地豈堪還問舊烏衣

梅村集十三

七言律詩
十六

其二

訟堂閒嘯聽流鶯十載東南憶避兵江左湖山多
故吏王家書画豈虛名從容簿領詩還就料理烟
霞政自成欲過會稽尋禊事斷碑春草曲池平

送當湖馬覲揚備兵岢嵐

絕塞驅車出定羌洗兵空磧散牛羊黃河盡處無
征戰紫燕飛時敢望鄉獨客登臨傷廢壘前人心
力困危疆君恩不遣邊臣苦高卧荒城對夕陽

送王孝源備兵山西

秋盡黃河氣欲收，千山雪色照并州。
鵬盤落水蒼崖壯，馬蹴層冰斷澗流。
父老壺關迎節使，將軍廣武耻封侯。
雍容賓佐資譚笑，吹笛城南月夜樓。

送同年江右朱遂初憲副固原

銜杯落日指雕鞍，渭北燕南兩地看。
士馬河湟征戰罷，弟兄關塞別離難。
荒祠黑水龍湫暗，絕坂丹崖鳥道盤。
錯認故京還咫尺，幾人遷客近長安。

來白其二

清秋柳陌響朱輪，帳下班聲到近臣。
萬里河源通

梅村集十三

七言律詩
十七

大夏七盤山勢控，新秦北庭將在黃驄老。
西海僧來白象馴，最喜安邊真節使。
君恩深處少風塵。

重其其三

白草原頭驛路微，十年踪跡是耶非。
月明函谷朝雞遠，木落蕭關塞馬肥。
便道江城鄉思急，故人京洛諫書稀。
一官漂泊知何恨，老大匡山未拂衣。

重其四

長將詩酒付奚囊，此去征途被急裝。
苜蓿金鞍調白馬，梅花鐵笛奏青羌。
涼州水草軍營盛，漢代亭

臺獵火荒往事功名歸衛霍書生垂老玉門霜

梅村集十二

七言律詩
十八



梅村集卷第十四

七言律詩四

七夕感事

天上人間總玉京
今年牛女倍分明
画图紅粉深
官恨砧杵金閨瘴
海情南國綠珠辭
故主北邙黃
鳥送傾城憑君試問
雕陵鵲一種銀河風浪生

和楊鐵崖天寶遺事詩

漢主秋宵宴上林
延年供奉漏沉沉
給來妙服裁
文錦賞就新聲賜
餅金鳩鵲風微清
笛迥蒲萄月

梅村集十四

七言律詩

落画弦深明朝曼倩思
言事日午若王駕未臨

其二

複道笙歌幾處通
博山香裊綺疏中
檀槽豈出龜
茲伎玉笛非關于闐工
浩唱扇低槐市月
緩聲衫
動石頭風霓裳本是人間曲
天上吹來便不同

送少司空傅夢禎還嵩山

高卧千峰鎖暮霞
洛城春盡自飛花
銅仙露冷宮

門草玉女臺荒洞口沙
被褐盧鴻仍拜 詔賜金

疏受早還家
西巡擬上登封頌
抱犢山莊候翠華

夜宿蒙陰

客行杖策魯城邊，訪俗春風百里天。
蒙嶺出泉茶辨性，龜田加火穀占年。
野蠶養就都成繭，村酒沽來不費錢。
我亦山東狂李白，倦游好覓主家眠。

郊城曉發

匹馬孤城望眼愁，雞聲喔喔曉烟收。
魯山將斷雲不斷，沂水欲流沙未流。
野戍凍涼經喪亂，殘民零落困誅求。
他鄉已過故鄉遠，屈指歸期二月頭。

聞台州警

梅村集十四

七言律詩

高灘響急峭帆收，橘柚人烟對鬱洲。
天際燕飛黃石嶺，雲中大吠赤城樓。
投戈將士逍遙卧，橫笛漁翁縹緲愁。
聞說天台踰萬丈，可容長嘯碧峰頭。

其二

野哭山深叫杜鵑，聞風臺畔羽書傳。
軍捫絕磴松根火，士接飛流馬上泉。
雁積稻梁池萬頃，猿知擊刺劍千年。
桃花好種今誰種，從此人間少洞天。

其三

天門中斷接危梁，玉館金庭跡渺茫。
石鼓響來開

峭壁千將飛去出滄浪仙家壘是何年築刺史丹
無不死方亂後有人還采藥越王餘算禹餘糧

其四

三江木落海天西華頂風高聽鼓鼙瀑布洗兵青
嶂險石橋通馬白雲齊途窮鄭老身何竄春去劉
郎路總迷最是孤城蕭瑟甚斷虹殘雨子規啼

贈遼左故人

詔書切責罷三千里驅車向大東曾募流移咉
塞下豈遷豪傑實關中桑麻亭障行人斷松杏山

梅村集十四

七言律詩三

河戰骨空此去纍臣聞鬼哭可無杯酒酹西風

其二

短轅一哭暮雲低雪窖冰天路慘悽青史幾年朝
玉馬白頭何日放金雞燕支塞遠春難到木葉山
高鳥亂啼百口總行君莫歎免教少婦憶遼西

其三

潦倒南冠顧影慙殘生得失懣瞿曇君恩未許誇
前席世路誰能脫左驂雁去雁來空塞北花開花
落自江南可憐庾信多才思關隴鄉心已不堪

其四

浮生蹤跡總茫然兩拜中書再徙邊儘有溫湯堪
療疾恰逢靈藥可延年垂來文鼠裝綿暖射得寒
魚入饌鮮只少江南好春色孤山梅樹罨溪船

其五

路出西河望八城保宮老母淚縱橫重圍屢困孤
身在垂死翻悲絕塞行盡室可憐逢將吏生兒真
悔作公卿蕭蕭夜半玄菟月鶴唳歸來夢不成

其六

梅村集十四

七言律詩
四

齊女門前萬里臺傷心砧杵北風哀一官悞汝高
門累半子憐渠快婿才失母况經關塞別從夫只
好夢魂來摩挲老眼千行淚望斷寒雲凍不開

春日小園卽席次白林九明府韻

小築疎籬占綠灣釣竿斜出草堂閒柳因見日頻
舒眼花爲迎風早破顏地是廉泉連讓水人如退
谷遇香山新詩片石留題在採蕨烹葵數往還

題画

其七
其為藥

花到春深爛熳紅香來士女踏歌中風知相謔吹
芳蒂露恨將離浥粉叢漬酒穩教顏色異調羹誤
許姓名同內家彩筆新成頌肯讓玄暉句自工

石榴

碧雲剪剪月鈎鈎狼藉珊瑚露未收絳樹憑闌看
獨笑綠衣傳火照梳頭深房莫倚含苞固多子還
憐齟齬羞種得萸蒲堪漬酒劉郎花底拜紅侯

洛陽花

綠窓昨夜長輕莎玉作欄杆錦覆窠丹纈好描秦

梅村集十四

七言律詩
五

氏粉墨痕重點石家螺剪同翠羽來金谷織並紅
羅出絳河千種洛陽名卉在不知須讓此花多一

茉莉

剪雪栽冰莫浪猜玉人纖手摘將來新泉浸後香
恒滿細縷穿成藥半開愛玩晚涼宜小立護持隔
歲爲親栽一枝點染東風裏好與新粧報鏡臺

芙蓉

細雨橫塘白鷺拳竊紅婀娜向風前千絲衣薄荷
同製三醉顏酡柳共眠水殿曉涼粧徙倚玉河春

淺共遷延涉江好把芳名認錯讀陳王賦一篇

菊花

夜深銀燭最分明翠葉金鈿認小名故着黃絕食
入道却翹紫袖擅傾城生來艷質何消瘦移近高
人恰老成幾度看花花耐久可知花亦是多情

繭虎

南山五日鏡奩開綵索春葱縛軟材奇物巧從蠶
館製內家親見豹房來越巫辟惡鏤金勝漢將擒
生画玉臺最是繭絲添虎翼難將續命訴牛哀

梅村集十四

七言律詩
六

茄牛

擊鼓喧闐笑未休泥車瓦狗出同游生成豈比東
鄰犢殼棘何來孺子牛老圃盤飧誇特殺太牢滋
味入常羞看他諸葛貪游戲苦鬪兒曹巧運籌

鯨鶴

丁令歸來寄素書羽毛零落待何如雲霄豈有舖
糟計飲啄寧關逐臭餘雪比撒鹽堆勁翮蟻旋封
垤附專車秦皇跨鶴思仙去死骨何因葬鮑魚

蟬猴

仙蛻誰傳不死方最高枝處憶同行移將吸露迎
風意做就輕軀細骨粧薄鬢影如逢越女斷腸聲
豈怨齊王內家近作通侯相賜出貂蟬傲粉郎

蘆筆

採箬編蒲課筆咩織簾居士擅書名掃來魯壁枯
難用焚就秦灰煑不成飛白夜窓花入夢草玄秋
閣雁銜橫中山本是盧郎宅錯認移封號管城

橘燈

掩映蘭膏葉底尋玉盤纖手出無心花開槐市枝

梅村集十四

七言律詩

枝火霜滿江潭樹樹金繡佛傳燈珠錯落洞仙爭
奕漏深沉饒他丁緩施工巧不及生成在上林

桃核船

漢家水戰習昆明曼倩偷來下瀨橫三士漫成齊
相計五湖好載越姝行桑田核種千年久河渚槎
浮一葉輕從此武陵漁問渡胡麻飯裏棹歌聲

蓮蓬人

獨立平生重此翁反裘雙袖倚東風殘身顛倒憑
誰戲亂服龐疎耻便工共結苦心諸子散早拈香

粉美人空莫嫌到老絲難斷總在污泥不染中

戲詠不倒翁

掉首浮生半紙輕一九封就任縱橫何妨失足貪
游戲不耐安眠欠老成儘受推排偏屈強敢煩扶
策自支撐却遭桃梗妍皮諂此內空空浪得名

海虞孫孝維三十贈言

法護僧彌並絕倫聽經蕭寺紫綸巾高齋點筆依
紅樹画楸徵歌轉綠蘋一榻茶香專供佛五湖蝦
菜待留賓丈夫早歲輕名宦鄧禹無爲苦笑人

梅村集十四

七言律詩
八

其二

招真臺下讀書莊總角知名已老蒼何氏三高推
小隱苟家羣從重中郎鬪茶客話千山雨寄橋人
歸百顆霜太末理官孝若其
兄也地產橋最佳塵尾執來思豎義旻
公同飯贊公房

其三

始立何容減宦情法曹有弟尚諸生松窓映火茗
芽熟貝葉研朱梵夾成金谷酒空消冶習曲江花
落悟浮名花落者爲扶
桑志感也年來耻學王懷祖初辟中

兵捧檄行

其四

高柳長風六月天青鞋白韞尚湖邊輕舟掠過破

山寺橫笛邈來大石仙

孫氏之先遇仙于鳥目山之巨石

王儉拜

公猶昨歲張充學易在今年種松記取合圍後樹

下著書堪醉眠

贈錢臣宸

同年給諫公弟

杜家中弟擅閒身處士風流折角巾花萼一樓圖

史遍竹梧三徑管絃新東都賓客多同輩西息田

梅村集十四

七言律詩九

園有主人酒熟好從君取醉春令原上獨傷神

贈荊州守袁大韞玉

袁為吳郡佳公子風流才謝詞曲擅名遭亂北

都佐藩西楚尋以失職空囊僑寓白下扁舟歸里惆悵無家為作此詩贈之

曉日珠簾半上鉤少年走馬過紅樓五陵烽火窮

途恨三峽雲山遠地愁盧女門前鳥相樹昭君村

畔木蘭舟相逢莫唱思歸引故國傷心恐淚流

其二

霓裳三疊遍天涯浪跡巴丘度歲華賴有狂名堪

作客誰知拙宦已無家西州士女章臺柳南國江

山玉樹花正遇秋風蕭索甚凄涼賀老撥琵琶

其三

詞客開元擅盛名蕭條鶴髮可憐生劉郎浦口潮

初長伍相祠邊月正明擊筑悲歌燕市恨彈絲法

曲楚江情

袁西樓樂府中有楚江情一齣

善才已死秋娘老淫盡

青衫調不成

其四

湘山木落洞庭波杜宇聲喚奈何千騎油幢持

虎節扁舟鐵笛換漁簑使君灘急風濤阻神女臺

梅村集十四

七言律詩

荒雲雨多楚相歸來唯四壁故人優孟早高歌

送楊懷湄擢臨安令

聽松鈴閣放衙陰飛瀑穿階石室琴許椽仙居丹

井在謝公游策碧雲深山農虎善樵微徑溪女蠶

忙採遠林此地何王誇衣錦錦城人起故鄉心

令成

都人臨安乃錢鏐衣錦城也

登縹緲峰

絕頂江湖放眼明飄然如欲御風行最高尚有魚

龍氣半嶺全無鳥雀聲芳草青蕪迷近遠夕陽金

碧變陰晴夫差霸業銷沉盡楓葉蘆花釣艇橫

過席允來山居

碧梧門巷亂山邊灑掃雖頻得自然石筍一林雲
活活藥欄千品雨娟娟養花性爲先人好種樹經
從伯氏傳社酒已濃茶已熟客來長繫五湖船

贈武林李笠翁

笠翁名漁能爲唐人小說兼以金元詞曲知名

家近西陵住薜蘿十郎才調歲蹉跎江湖笑傲誇
齊贅雲雨荒唐憶楚娥海外九州書志怪坐中三
疊舞迴波前身合是玄真子一笠滄浪自放歌

梅村集十四

七言律詩十一

贈崑令王莘雲尊人杏翁

永平人

半載江南客未深玉山秋靜夜沉吟九邊田牧思
班壹三輔交游識季心快馬柳城常命酒軟輿花
縣暫聞琴白頭閒說西京事曾記循良久賜金

莘雲

有能名未半載以錢糧報罷

客譚雲間帥坐中事

五茸絲管妓堂秋奪得蛾眉付主謳豈是絕纓諸
將會偶因行酒故人留青尊有恨攀他手白削無
情笑者頭若遇季倫西市日可宜還墮綠珠樓

別維夏

惆悵書生萬事非，赭衣今抵舊烏衣。六朝門第鴉

啼遶，九月關河木葉飛。庾嶺故人猶未別，

維夏叔增城公

子燕山游子早應歸。正逢漉酒登高會，執手西風

歎落暉。

庚子八月訪同年吳永調於錫山有感賦贈

廿載京華共酒尊，十人今有幾人存。

京師知己為真率會，今其

人零落已盡

多愁我已嫌身世，高卧君還長子孫。上馬

孤城喧渡口，雲山老屋冷溪門。相逢萬事從頭問

梅村集十四

七言律詩十二

樵燭三條照淚痕

其二

杖藜何必遠行游，抱膝看雲鶴氅裘。天遣名山供

戶牖，老逢佳節占風流。干戈定後身還健，花月閒

時我欲愁。莫嘆勝情無勝具，亂峰深處着高樓。

永調

有足疾

其三

黃花秋水五湖船，客鬢蕭騷別幾年。老去妻孥多

下世窮，來官長有誰賢。酒杯驅使從無分，書卷消

磨絕可憐賸得當時舊松菊數間茅屋對晴川

其四

虛臺便闕信沉沉話及清郎淚不禁到處風波寧
敢恨僅存兄弟獨何心南州師友江天笛北固知
交午夜砧從此溪山避矧繖暮雲黃葉閉門深

送張玉甲憲長之官邛雅

秋水連天棹五湖勞勞亭畔客心孤飄蓬宦跡空
迢遞浩劫山川尚有無石鏡開花惟自照郫筒憶
酒向誰沽蕭條大散關頭路匹馬西風入畫圖

梅村集十四

七言律詩
十三

其二

劍外新傳一道通十年羣盜漫稱雄橫刀割取青
神渡烈火燒殘白帝宮豈有山川歸李特猶能車
馬識文翁誰將牛斗龍泉氣移在天彭井絡中

張從

江南學使
者遷是職

其三

岷峨悽愴百蠻秋路折邛岷九坂愁城裏白雲從
地出馬前黑水向人流松番將在看高卧雪嶺僧
歸話遠游欲問辟支諸佛土貝多羅樹卽關頭

雅州

關外卽
鳥思藏

其四

錦官春色故依然料理蠶叢半壁天
葛相祠堂尋有蹟譙玄門戶訪誰傳
還家杜宇三更夢寄遠萑蒲十樣箋
此去壯游何所恨思君長問楚江船
哭中書趙友沂兼柬其尊甫洞門都憲

長沙長子九江船御史臺西月正圓
兩省親朋歡笑日一官詩酒亂離年
朱樓有淚看楊柳白髮無家聽杜鵑
太息賈生歸未得湘花湘草夕陽邊

梅村集十四

七言律詩十四

贈學易友人吳燕餘

風雨菰蘆宿火紅胥靡憔悴過墻東
吞爻夢逐虞生放端策占成屈子窮
縱絕三編身世外橫添一畫是非中
道人莫訝姚平笑六十應稱未濟翁

其二

註就梁丘早十年石壕呼怒箠門前范
升免後成何用甯越鞭來絕可憐
八世催科逢此地吾生憂患在先天
從今郟上田休種簾肆無家取百錢

壽繼起和尚

故山東望路微茫講樹秋風老着霜不羨紫衣誇
妙相惟憑白足遍諸方隨雲舒卷身兼杖與月空
明詩一囊台頂最高三萬丈道人心在赤城梁

惠山二泉亭爲無錫吳邑侯賦

九龍山半二泉亭水遁名標陸羽經寺外流觴何
處訪公餘飛鳥偶來聽丹凝高閣空潭紫翠溼層
巒萬樹青治行吳公今第一此泉應足勝中冷

贈張以韜來鶴詩

草聖傳家久著聞斗看孤鶴下層雲路從蓬島三

梅村集十四

七言律詩
十五

山遠影落琴川七水分自是昂藏矜鳳侶休教嫉
妬報雞羣春風一樹梅花發耐守寒香孰似君

